

四卷

五

周


秦昭襄王

莊襄王

史記

卷四之五
本紀四之五

共二十四



困學紀聞十二武王伐紂卜龜兆不吉群公皆懼唯太公強之書其義曰太公不韜云卜戰龜兆焦筮又不吉太公曰柘骨朽著不踰人笑彼言不吉者不韜之書後人所作史記又採用亦韜好事者妄矜太公非實事也

周本紀第四

周后稷

正義曰因太王所居周原因號曰周地

志云故周城一名美陽城在雍州武功縣西北即太王城也

名弃其母有邠氏女

曰邠天來反亦作豳同說文云邠交帝之後姜姓封邠棄外家

曰姜原

韓詩章句曰姜原字或曰姜

原謚號也

姜原為帝嚳元妃

索隱曰蕭周以為棄帝嚳之胄其父亦不著與此異

姜原

出野見巨人跡心忻然說欲踐之踐之而身動如孕者

居期而生子以為不祥弃之隘巷

索隱曰已下皆詩大雅生民篇所云

馬

牛過者皆辟不踐徙置之林中適會山林多入遷之而

弃渠中冰上飛鳥以其翼覆薦之姜原以為神遂收養

長之初欲弃之因名曰弃弃為兒時怵如巨人之志其

遊戲好種樹麻菽麻菽美及為成人遂好耕農相地之

弃棄同

史記周本紀第四

周本紀第四

國字紀聞士舜封舜於郟
号曰后稷詩正義曰後之功
成實在堯世其封於郟必
是堯之封故漢傳皆以爲
堯本紀以後稷之号亦起
舜時其言不可信也

不密立云云許疏云虞夏
殷共有十二百歲每世在位
皆八十年乃可充其數耳
命之短長古今一也而使
十五世君在位皆八十許載
子將先昭生不近人情之
甚以理而推實難相信
也
國字紀聞士云周本紀不
密末年云國語云不密
自竄于戎狄之間章昭云

宜宜穀者稼穡焉正義曰種曰民皆法則之帝堯聞之

舉弄為農師天下得其利有功帝舜曰弃黎民始飢徐廣

曰今文尚書云祖飢爾后稷播時百穀封弃於郟徐廣

故此作始飢祖始也禮緯曰祖以后稷之興在

扶風禮緯曰祖以陶唐虞夏之際皆有令德后稷卒山海經曰黑水青水

後葬焉皇甫謐曰子不密立索隱曰帝王世紀云后稷

國語云世后稷以服事虞夏言世稷官是失其代數也

若不密親并之子至文王千餘歲惟十四代亦不合事

情○正義曰括地志云不密故城在慶州不密末年夏

弘化縣南三里即不密在戎狄所居城也

后氏政衰去稷不務章昭曰夏大康失國不密以失其

官而薨戎狄之間不密卒子鞠立鞠卒子公劉立公劉

雖在戎狄之間復修后稷之業務耕種行地宜自漆沮

度渭取材用正義曰括地志云幽州新平縣即漢漆縣

渭行者有資居者有畜積民賴其慶百姓懷之多徙而

保歸焉周道之興自此後故詩人歌樂思其德索隱曰

雅篇篤公公劉卒子慶節立國於豳徐廣曰新平漆縣

劉是也索隱曰豳即邠慶節卒子皇僕立皇僕卒子差弗立差

弗卒子毀偷立音踰世本毀偷卒子公非立索隱曰世

公非字辟方宋忠曰高圉能率稷高圉卒子亞圍立者也周人報之○索

隱曰漢書古今表曰雲都亞圍弟按如此

說則辟方侯倅亦皆二人名實未能詳

叔祖類立索隱曰世本云太公組紺諸蓋三代世表稱

曰太公也公叔祖類卒子古公亶父立古公亶父復修

周本紀云周本紀不密末年云國語云不密自竄于戎狄之間章昭云

周本紀云周本紀不密末年云國語云不密自竄于戎狄之間章昭云

后稷公劉之業積德行義國人皆戴之薰育戎狄攻之
欲得財物予之已復攻欲得地與民民皆怒欲戰古公
曰有民立君將以利之今戎狄所為攻戰以吾地與民
民之在我與其在彼何異民欲以我故戰殺人父子而
君之予不忍為乃與私屬遂去豳渡漆沮徐廣曰水在杜陽縣在扶風陽縣在
踰梁山正義曰括地志梁山在雍州好時縣西北止於岐下徐廣曰山在扶風
風美陽西北其南有周原皇甫蓋云邑於周地故始改國曰周幽人舉國扶老攜弱盡
復歸古公於岐下及他旁國聞古公仁亦多歸之於是
古公乃貶戎狄之俗而營築城郭室屋而邑別居之徐廣曰
曰分別而為禮記曰天子之五官曰司徒作五官有司司馬司空司士司寇典司五
邑落者也此設時制民皆歌樂之頌其德索隱曰即詩頌云后稷
之孫實維大王居岐之

周記

周字紀周土古公有長子曰
本伯次曰虞仲本姜生季歷
左傳正義曰如義之文似王
季子本伯別母述言疏繆未
伯康仲辟季歷適前靈后
有適庶不須相辟知其母同
母也

昌本

陽實始申曰四國皆姜姓也四岳之後太姜古公有長子曰大伯次曰虞仲太姜正義曰國
之冢太姜太王之妃王季之母也生少子季歷季歷
娶太任列女傳曰太姜有台氏之女太任華任氏之皆
賢婦人生昌有聖瑞正義曰尚書帝命驗云季秋之月
其書云敬勝怠者吉怠勝敬者滅義勝欲者從欲勝
義者凶凡事不強則不枉不敬則不正枉者廢滅敬者
萬世以仁得之以不仁守之其量百世以不仁得之以仁
守之其量十世以不仁得之以不仁守之不及其世此
蓋聖瑞古公曰我世當有興者其在昌乎長子大伯虞仲
知古公欲立季歷以傳昌乃二人亡如荆蠻正義曰太
居城在蘇州北五十里常州無錫縣界梅里村其城及
冢見存而云亡荆蠻者楚滅越其地屬楚秦滅楚其地
屬秦秦諱楚改曰荆故通號吳越之地文身斷髮應劭
為荆及此人書史加云蠻勢之然也在水中故斷其髮文其
身以象龍子故不見言以讓季歷古公卒季歷立是為

公季公季修古公遺道篤於行義諸侯順之公季卒

蓋曰葬郭子畱立是為西伯西伯曰文王正義曰帝王

龍顏虎眉身長十丈有四乳遵后稷公劉之業則古公公季之法篤

仁敬老慈少禮下賢者日中不暇食以待士士以此多

歸之伯夷叔齊在孤竹應劭曰在遼西今支聞西伯善

養老蓋往歸之太顛閎夭散宜生鬻子辛甲大夫之徒

皆往歸之劉向別錄曰鬻子名熊封於楚辛甲故殺之

語賢之告文王文王親自迎之以為公崇侯虎譖西伯

於殷紂曰西伯積善累德諸侯皆嚮之將不利於帝帝

紂乃囚西伯於羑里閔天之徒患之乃求有莘氏美女

正義曰括地志云古豷國城在同州河西縣南世本云

周紀

師說曰司馬說非之所獻之物
中一物也

驪戎之文馬正義曰括地志云驪戎故城在雍州新豐

如黃金有熊九駟正義曰括地志云鄭州新鄭縣本有

他竒怪物因殷嬖臣費仲而獻之紂紂大說曰此一物

足以釋西伯索隱曰一物謂有妻氏之美女况其多乎

乃赦西伯賜之弓矢斧鉞使西伯得征伐曰譖西伯者

崇侯虎也西伯乃獻洛西之地以請紂去炮烙之刑紂

許之西伯陰行善諸侯皆來決平於是虞芮之人地理

在河東大陽縣芮在馮翊臨晉縣正義曰括地志云

故虞城在陝州河北縣東北五十里虞山之上古虞國

也故芮城縣西二十里古芮國也晉太康地記云虞西

百里詩云虞芮質厥成毛萇云虞芮之君相與爭里父

國君相謂曰我等小人不可履君子之庭乃相讓所爭

生面竟一生融喜

然開原在河東復與虞芮相接按臨有獄不能決乃如

皆入界耕者皆讓畔民俗皆讓長虞芮之人未見西伯

俱讓而去諸侯聞之曰西伯蓋受命之君明年伐犬戎

山海經曰有人人面獸身名曰犬戎○正義曰又云黃

帝之後生并明并明生白犬白犬有二是為犬戎說文

云赤狄本犬種故字從犬後漢書云犬戎明年伐密須

應劭曰密須氏姓之明年敗者徐廣曰一作汎○正

國瑣曰安定陰密縣是明年敗者義曰即黎國也孔安

國云黎在上黨東北括地志云在潞州殷之祖伊聞之

懼以告帝紂紂曰不有天命乎是何能為明年伐邢

曰邢城在野王縣西北音于○正義曰明年伐崇侯虎

括地志云故邢城在懷州河內縣西北明年伐崇侯虎

正義曰皇甫謐云夏桀封虞夏商周而作豐邑

皆有崇國崇國蓋在豐鎬之間也徐廣曰豐在京

徙都豐明年西伯崩徐廣曰文王九十七乃崩○正義

原上西南太子發立是為武王西伯蓋即位五十年其囚

美里蓋益易之八卦為六十四卦詩人道西伯蓋受命

之年稱王而斷虞芮之訟正義曰二國相讓後諸侯歸

為王蓋此年受命之年稱王也帝王世紀云文王即位

四十二年歲在鶉火文王更為受命之元年始稱王矣

又毛詩云文王九十七而終終時受命之後十年而崩

命九年則受命之元年年八十九也後十年而崩正義

當為九謚為文王改法度制正朔矣追尊古公為太王

公季為王季正義曰易緯云文王受命改正朔有王號

周書曰西伯受命九年而崩此年受命九年則受命之元年年八十九也後十年而崩正義

五年 五年或作七

周書紀閩王武王祭于畢觀
兵盟津改傷公曰伯夷傳又
載父死不葬之說不可為信
程子曰觀兵必無此理今日天
命純則相是獨夫豈容更
待三年然後曰漢儒以親政
轉為觀兵而為周師每奉之
說

何得王自蓋王瑞自太王興武王即位太公望為師
稱王改正朔蓋王瑞自太王興武王即位太公望為師
周公旦為輔召公畢公之徒左右王師修文王緒業九
年武王上祭于畢馬融曰畢文王墓地名也○索隱曰
星主兵故師出而祭畢星也○正義曰上音時掌反尚
書武成篇云惟九年大統未集大誓篇序云惟十有一
年武王伐殷大誓篇云惟十有三年春大戴禮云文王
十五而生武王則武王少文王十四歲禮記文王世子
云文王九十三而終武王九十三而終按文王崩時武
王已八十三八十四即位至九十三而終武王即位適滿
十年言十三伐紂者續文王受命年欲明其卒父業也
金縢篇云惟克商二年王有疾按文王受命九年而崩
十一年服闋觀兵孟津十三年克紂十五年有疾王與
後四年而崩則武九十三矣而太史公云九年王觀兵
十一年伐紂則以為武王即位年數與尚書違甚踈矣
東觀兵至于盟津徐廣曰
觀兵十三年克紂為文王木主載以車中軍武王自
稱太子發言奉文王以伐不敢自專乃告司馬司徒司

周紀

魄音伯云音雲

空諸節符節有司也齊栗信哉予無知以先祖有德臣
小子受先功徐廣曰一云予畢立賞罰以定其功遂與
師師尚父號曰鄭玄曰號令總爾眾庶與爾舟楫後至
者斬武王渡河中流白魚躍入王舟中馬融曰魚者介
白者殼家之正色言殼之兵衆與周之家也○索隱曰
曰此已下至火復王屋為鳥皆見用書及今文恭善武
王俯取以祭既渡有火自上復于下至于王屋流為鳥
其色赤其聲魄云馬融曰王屋王所居屋流行也魄然
武王卒父業故烏瑞臻赤者周之正色也○索隱曰按
今文恭善流為鵲鵲為鳥也馬融云明武王能伐紂各
隨文是時諸侯不期而會盟津者八百諸侯諸侯皆曰
紂可伐矣武王曰女未知天命未可也乃還師歸居二
年聞紂昏亂暴虐滋甚殺王子比干囚箕子太師疵少

象 力

師彊抱其樂器而奔周於是武王徧告諸侯曰殷有重
罪不可以不畢伐徐廣曰一作滅乃遵文王遂率戎車三百乘
虎賁三千人孔安國曰虎賁勇士稱也甲士四萬五千人
以東伐紂十一年十二月戊午師畢渡盟津正義曰諸
侯咸會曰孳孳無怠武王乃作大誓告于眾庶今殷王
紂乃用其婦人之言自絕于天毀壞其三正馬融曰動
離邊其王父母弟鄭玄曰王父母弟祖父母之也乃斷
棄其先祖之樂乃為淫聲用變亂正聲怡說婦人徐廣
辭一作故今予發維共行天罰勉哉夫子鄭玄曰夫子不
可再不可三徐廣曰一作正此建丑之甲子昧爽
孔安國曰昧爽也武王朝至于商郊牧野乃誓孔安國曰

周紀

甲子朝誓之正義曰括地志云紂都朝歌在衛州東
北朝歌故城是李妹邑帝王世紀云帝乙復濟河北徒
朝歌其子紂仍都焉鄭玄注水經云自朝歌武王左杖
南至清水土地平衍據臯際澤悉牧野也
黃鉞右秉白旄孔安國曰鉞以黃金飾斧左手杖鉞以
示無事於誅右手把旄示有事於教
麾曰遠矣西土之人孔安國曰武王曰嗟我有國家君
冢馬融曰司徒司馬司空亞旅師氏孔安國曰亞次旅衆
大夫也其位次卿師
氏大夫官千夫長百夫長孔安國曰及庸蜀羌髳微纁
彭濮人孔安國曰八國皆蠻夷戎狄羌在西蜀叟髳微
武王所率將來伐紂也正義曰彭音矛括地志云房
州竹山縣及金州石盧國也益州及巴西利等州皆古蜀
國隴右岷洮叢等州以西羌微纁以南古髳國之地戎
州疆府稱爾父孔安國曰比爾干立爾予其誓王曰
古人有言牝雞無晨牝雞之晨惟家之索孔安國曰索

行外事雖代今殷王紂維婦人言是用自弃其先祖肆
祀不答鄭玄曰肆祭名答問也昏弃其家國遺其王父母弟不用
乃維四方之多罪逋逃是崇是長是信是使孔安國曰言紂弃其
賢臣而尊長逃亡罪人信用之也俾暴虐于百姓以姦軌于商國今予
發維共行天之罰今日之事不過六步七步乃止齊焉
孔安國曰今日戰事不過六步七步乃止相齊言當放進一心也夫子勉哉不過於四
伐五伐六伐七伐乃止齊焉孔安國曰伐謂擊刺也少則四五多則六七以為列
也勉哉夫子尚桓桓鄭玄曰武克克如虎如羆如豺如離徐廣曰此
訓與于商郊不禦克彘以役西土鄭玄曰禦彘謂彘
殺紂師之彘走者當以為周之役也勉哉夫子爾所不勉其于爾身有戮
言且也鄭玄曰所誓已諸侯兵會者車四千乘陳師牧野帝紂

周紀

聞武王來亦發兵七十萬人距武王武王使師尚父與
百夫致師周禮環人掌致師鄭玄曰致師者致其必戰
致師者右入壘折箠執俘而還皆行其所聞而復以木
卒馳帝紂師徐廣曰帝一作商○正義曰大卒謂我車
有虎賁紂師雖衆皆無戰之心心欲武王亟入紂師皆
倒兵以戰以開武王武王馳之紂兵皆崩畔紂紂走反
入登于鹿臺之上蒙衣其珠玉周書云甲子夕紂取天
智玉琰五環身以自焚注天智玉之善者縱環其身凡
焚四千玉也庶玉則銷天智玉不銷如此則紂身不盡
也自燔于火而死武王持大白旗以麾諸侯諸侯畢拜
武王武王乃揖諸侯諸侯畢從武王至商國正義曰謂

商國百姓咸待於郊於是武王使羣臣告語商百姓曰
上天降休商人皆再拜稽首武王亦荅拜索隱曰武王
頗有勲德不應荅商人之拜大史公失辭耳尋上文遂
入至紂死所武王自射之三發而後下車以輕劍擊之
正義曰周書作輕以黃鉞斬紂頭縣大白之旗已而至
呂擊之輕呂劍名紂之嬖妾二女二女皆經自殺武王又射三發擊以劍
斬以玄鉞均曰文鉞用鐵不磨礪縣其頭小白之旗武
王已乃出復軍其明日除道修社及商紂宮及期百夫
荷罕旗以先驅京賦曰雲罕九旒薛綜曰旒旗名武王
弟叔振鐸奉陳常車周公旦把大鉞畢公把小鉞以夾
武王散宜生太顛閎夭皆執劍以衛武王既入立于社

周紀

南大卒之左右畢從毛叔鄭奉明水周禮曰司烜氏以
玄曰鑑鏡屬也取月之水欲得衛康叔封布茲徐廣曰
陰陽之氣陳明水以爲玄酒帝之名諸侯病曰貞茲一作召公奭贊采
茲公明草也言茲舉成器言茲見繁草也正義曰尹佚讀
也采幣也師尚父牽牲尹佚筮祝曰正義曰尹佚讀
也社殷之末孫季紂殄廢先王明德侮蔑神祇不祀昏暴
也商邑百姓其章顯聞于天上帝於是武王再拜稽首
曰膺監本受大命革殷受天明命武王又再拜稽首乃
出封商紂子祿父殷之餘民武王爲殷初定未集乃使
其弟管叔鮮蔡叔度相祿父治殷正義曰地理志云河
殷分其畿內爲三國詩曰鄭衛是邶以封紂子武庚鄭
管叔尹之衛蔡叔尹之曰三監帝王世紀云自殷都以
東爲衛管叔監之殷都以西爲鄭蔡叔監之殷已而命
都以北爲鄭霍叔監之是爲三監未詳孰是

周字紀開工武王追思先聖
乃褒封神農之後於焦
帝舜之後於陳祀龍華載曰
追思先聖乃封之字案此本
反下車載反當以記為正

召公釋箕子之囚徐廣曰釋一作原命畢公釋百姓之囚表商

密之閭命南宮括散鹿臺之財發鉅橋之粟以振貧弱

萌隸命南宮括史佚展九鼎保玉徐廣曰保一作寶命閔天封

比干之墓正義曰封謂益其土及畫疆界命宗祝享祠

于軍乃罷兵西歸行狩記政事作武成孔安國曰封諸

侯班賜宗彝作分殷之器物鄭玄云宗彝宗廟樽也作

也武王追思先聖王乃褒封神農之後於焦地理志弘

焦城故黃帝之後於祝正義曰左傳云祝其實夾谷杜

海郡祝帝堯之後於蓊地理志燕帝舜之後於陳正義

地志云陳州宛立縣在陳城中即古陳國也帝舜後湯

大禹之後於杞正義曰杞地志云沐州雍立縣古杞

周紀

為楚國於是封功臣謀士而師尚父為首封封尚父於

營丘曰齊爾雅曰水出其前而左曰營丘郭璞曰今齊

臨淄縣北百步外城中與地志云封弟周公旦於曲阜

曰魯應劭曰曲阜在魯城中委曲長七八里正義曰

登帝位後徙曲阜少昊邑窮桑以登帝位都曲阜顯項

為大庭氏之故國又是商奄之地皇甫謐云黃帝生壽

際西射之南是也括地志云兗州曲阜封召公奭於燕

正義曰封堯之後於蓊封召公於燕觀其文猶似重也

水經注云蓊則西北有蓊丘因取名焉括地志云燕

山幽州漁陽縣東南國都城記云周武王封召公奭於

燕地在燕山之野故國取名焉按武王封二國因燕山

封

地志云鄭州管城弟叔度於蔡正義曰括地志云豫州

國縣東有蔡餘各以次受封武王徵九牧之君登幽之

阜以望商邑武王至于周自夜不寐正義曰周錫京也

告女維天不饗殷自發未生於今六十年麋鹿在效徐

曰事出周書及隨巢子云夷蜚鴻滿野索隱曰按高誘

言飛蟲蔽田蒲野故為災非是鴻鴈也隨巢子作飛拾

飛拾蟲也○正義曰六十年從帝乙十年至伐紂年也

蕞鹿喻小人在朝也飛鴻喻君子放棄也鄭玄云

馮焉知避陰陽寒暑喻民知去無道就有道也

天不

事殷乃今有成索隱曰言上天不歆享殷家故見維天

建殷其登名民三百六十夫不顯亦不賓滅徐廣曰一

不賓滅一云不顯亦不恤也○索隱曰言天初建殷國

亦登進名賢之人三百六十夫既無非大賢未能與化

致理故殷不大光昭亦不即擯滅以至於今也亦見周

書及隨巢子頗復脫錯而劉氏音破六為古其字義亦

周紀

無所通徐廣云一本作不顯亦不賓蓋是學者以周書

及隨巢不同逐音改易耳隨巢子曰天鬼不顯亦不賓

滅天鬼也以至今我未定天保何暇寐王曰定天保依天

室悉求夫惡貶從殷王受索隱曰言今悉求取夫惡人

責之與紂同罪故日夜勞來我西土徐廣曰一云肯來

曰貶從紂王受正義曰服事也武王答周公

作請我維顯服及德方明正義曰服事也武王答周公

天之宮室退除殺紂之惡日夜勞民又安定我之西土

我維明於事及我之德教施四方明行之乃可至於寢

寐也自此已上為至周自自洛汭延于伊汭居焉毋固

其有夏之居徐廣曰夏居河南初在陽城後居陽翟○

固是有夏之舊居○正義曰括地志云自禹至太康與

帝王世紀云禹封夏伯今河南陽翟是故鄭城在洛

州鞏縣我南望三塗北望嶽鄙顧倉有河徐廣曰周書

定

問太公曰吾將因有夏之居南望過于三塗北瞻望于
有河○索隱曰杜預曰三塗在陸渾南嶽蓋河北太行
山鄴都鄴謂近嶽之邑度通周書篇名度音徒各反○
正義曰括地志云太行恒山連延東北接碣石接嶽山
言北望太行恒山之邊鄴都邑也又晉粵瞻維伊毋遠
州霜山一名大嶽在洛東北二說皆通

天室正義曰粵者審慎之辭言審慎瞻維營周居于雅
邑而後去正義曰括地志云故王城一名河南城本郊
自平王以下十二王皆都此城至敬王乃遷都成周至
赧王又居王城也帝王世紀云王城西有郊郭陌在傳
云成王定鼎於郊郭京相
潘地名云郊山名郭邑名縱馬於華山之陽正義曰華
縣南八里放牛於桃林之虛孔安國曰桃林在華山東
山南曰陽正義曰括地志云桃林
在陝州桃林縣西山海經云本火之山其北有林名偃
日桃林廣圓三百里中多馬湖水出焉北流入河也

干戈振兵釋旅公羊傳曰示天下不復用也武王已克
殷後二年問箕子殷所以亡箕子不忍言殷惡以存徐

周紀

曰一亡國宜告索隱曰六字連一句讀○正義曰箕子

武王為洪武王亦醜故問以天道武王病天下未集群

公懼穆卜孔安國曰穆故也周公乃袞齋正義曰袞音發又音

自為瘞正義曰周公袞齋自以贊幣告欲代武王武王

有瘵後而崩徐賈曰封禪書曰武王克殷二年天下未

西六年庚寅崩案正義曰文武周公冢皆在京兆長

安鎬聚東社中○正義曰括地志云武王墓在雍州萬

原上也太子誦代立是為成王成王少周初定天下周

公恐諸侯畔周公乃攝行政當國管叔蔡叔羣弟疑周

公與武庚作亂畔周周公奉成王命伐誅武庚管叔放

蔡叔以微子開代殷後國於宋正義曰宋州頗收殷餘民以

封武王少弟封為衛康叔正義曰周既成遷殷頑民按是為東

殺

周古洛陽城也。括地志云洛陽故城在洛州洛陽縣東。北周公所築。即成周城也。輿地志云以周地在王城東。故曰東周。敬王避子朝亂自洛邑。東君此以其迫阨。不受王都。故壞程泉而廣之。按武王滅殷國為卽。卽衛三。餘民國東。故使賢母弟主之也。晉唐叔得嘉穀。鄭玄曰。二。其數叛。故使賢母弟主之也。晉唐叔得嘉穀。鄭玄曰。二。德獸之成王。成王以歸周公于兵所。徐廣曰。歸。周公受。初管蔡畔周。周公。討之。三年而畢定。故初作大誥。次作微子之命。孔安國。書。次歸禾。次嘉禾。次康誥。酒誥。梓材。以爲政之道。亦如。梓材也。其事在周公之篇。周公行政七年。成王長。周公。反政。成王北面就群臣之位。成王在豐。使召公復營洛。邑如武王之意。周公復卜申禋。卒營築居九鼎焉。曰。此。

周紀

天下之中四方入貢道里均。作召誥。洛誥。成王既遷。殷。遣民。周公以王命告作多士。無佚。召公爲保。周公爲師。東伐淮夷。殘奄。鄭玄曰。奄國在淮夷之北。正義曰。奄。國。即淮夷。兗州曲阜縣奄至。即奄國地也。遷其君薄姑。馬融曰。齊地。正義。城在青州博昌縣東北。薄姑。成王自奄歸。在宗周。作多。氏。殷諸侯封於此。周滅之也。成王自奄歸。在宗周。作多。方。孔安國曰。告衆。既。紕。毅。命。龔。淮夷。歸。在豐。作周官。設官分職。興正禮樂。度制於是改。而民和睦。頌聲興。頌之聲。帝王之高致也。成王既伐東夷。息慎來賀。王賜。榮伯作賄。息慎之命。孔安國曰。賄。賜也。馬融曰。榮伯。成。王將崩。懼太子釗之不任。正義曰。釗音招。又古。乃命召。公畢公率諸侯以相太子而立之。成王既崩。二公率諸。

周紀
周紀
周紀

周紀

侯以太子釗見於先王廟申告以文王武王之所以為
王業之不易務在節儉毋多欲以篤信臨之作顧命
曰臨終出命故謂之太子釗遂立是為康王康王即位
徧告諸侯宣告以文武之業以申之作康誥故成康之
際天下安寧刑錯四十餘年不用應而曰錯置也民康不犯法無所置刑
王命作策畢公分居里成周郊里異其善惡也成定東
有保護也同郊境使作畢命康王卒子昭王瑕立昭王之時王道
微缺昭王南巡狩不返卒於江上正義曰帝王世紀云昭王德衰南征濟于
漢船人惡之以膠船進王王御船至中流膠液船解王
及祭公俱沒于水中而崩其右卒游靡長臂多力游振
得王周人其卒不赴告諱之也立昭王子滿是為穆王
諱之不言其卒不赴告諱之也立昭王子滿是為穆王
穆王即位春秋已五十矣王道衰微穆王閱文武之道

崩

缺乃命伯冏孔安國曰伯冏名也申誡徐廣曰一作部太僕應劭曰太僕周穆王所置

蓋太御衆僕之國之政作果命復寧穆王將征犬戎長中大夫也

曰犬一祭公謀父諫常昭曰祭畿內之國周公之後為

志云故祭城在鄭州管城縣東北釋例曰不可先王耀

德不觀兵夫兵戢而時動動則威觀則玩玩則無震

曰震是故周文公之頌常昭曰文公之益曰載戢干戈載

弓矢唐固曰我求懿德肆于時夏允王保之韋昭曰言

美德故陳其功於是夏而歌之信哉武先王之於民也

茂正其德而厚其性阜其財求而利其器用明利害之

鄉常昭曰以文修之使之務利而辟害懷德而畏威故

能保世以滋大昔我先王世后稷也常昭曰謂棄與不空

永

世以服事虞夏及夏之衰也棄稷不務正義曰言大我
 先王不密用失其官而自竄於戎狄之間不敢怠業時
 序其德遵修其緒徐廣曰遵一作選修其訓典朝夕恪勤守以
 敦篤奉以忠信奕世載德不忝前人至于文王武王昭
 前之光明而加之以慈和事神保民無不欣喜商王帝
 辛大惡于民庶民不忍訖載武王以致戎于商牧正義曰紂
 近郊地是故先王非務武也勤恤民隱而除其害也夫
 先王之制邦内甸服邦外侯服侯衛賓服常昭曰此總
 折衛衛折也夷蠻要服戎翟荒服甸服者祭常昭曰侯服者
 祀常昭曰賓服者享常昭曰要服者貢常昭曰荒服者
 王常昭曰日祭月祀時享歲貢終王先王
 也詩曰莫敢不來王

月紀

之順祀也徐廣曰外傳云先王之訓有不祭則修意常昭曰先修志
 內近知有不祀則修言常昭曰言有不享則修文常昭曰
 典法有不貢則修名常昭曰名謂尊卑有不王則修德
 常昭曰遠人不至序成而有不至則修刑常昭曰序成
 則修文德以來之序成而有不至則修刑常昭曰序成
 至則有成有不於是刑不祭伐不祀征不享讓不貢告
 不王於是有刑罰之辟有攻伐之兵有征討之備有威
 讓之命有文告之辭布令陳辭而有不至則增修於德
 無勤民於遠是以近無不聽遠無不服今自大畢伯士
 之終也徐廣曰犬戎之君犬戎氏以其職來王正義曰貫遠云
 氏之二君也白狼白鹿犬戎之職貢也按天子曰予必
 大畢伯士終後犬戎氏常以其職來王天子曰予必
 以不享征之且觀之兵無乃廢先王之訓而王幾頓乎

曰造一師聽五辭孔安國曰兩謂囚證造至也兩至具作遺師聽五辭備則衆獄官聽其入五刑辭○正義曰漢書刑法志云五聽一曰辭聽二曰色聽三曰氣聽四曰耳聽五曰目聽周禮云辭不直則言繁目不直則視眇耳不直則對答惑色不直則貌赧氣不直則數喘也五辭簡信正於五刑孔安國曰五辭簡校信有罪五刑不簡正於五罰孔安國曰不簡校謂不應五刑

周紀

復

當正五罰出五罰不服正於五過孔安國曰不服不應免五過之疵官獄內獄閱實其罪孔安國曰使與罰名刑云惟官惟反惟內惟比惟實惟惟鈞其過馬融曰以此五者等五刑之疑有赦五罰之疑有赦其審克之孔安國曰赦從罰罰疑赦從免其簡信有衆惟訊有稽孔安國曰有合衆心惟察其貌無簡不疑共嚴天威孔安國曰無聽治其獄當嚴敬黜辟疑赦其罰百率徐廣曰率即六兩曰錕錕黃鐵也索隱曰舊本率亦作閱實其罪劓辟疑赦其罰倍灑徐廣曰一一百錕也索隱曰灑音灰徒音所解反閱實其罪臙辟疑赦其罰倍差馬融曰倍二百為四百錕也差者又分一也正義曰倍中之差二百去三分一合三百三十錕二兩也官刑其罰五百臙刑既輕其數豈加故知

孔馬之閱實其罪宮辟疑赦其罰五百率徐廣曰五閱一作六

實其罪大辟疑赦其罰千率閱實其罪墨罰之屬千劓

罰之屬千臏罰之屬五百宮罰之屬三百大辟之罰其

屬二百五刑之屬三千命曰甫刑穆王立五十五年崩

子共王繫虓立索隱曰世本索隱曰虓共王游於涇上密康公從

女薛之其母曰必致之王列女傳曰康公母姓魏氏夫獸三為羣人

三為眾女三為祭王田不取群公行不下眾上義曰重

諸侯公之所與王御不參一族韋昭云御妻官也參三

參一族之也夫祭美之物也眾以美物歸女而何德

以堪之王猶不堪况爾之小醜乎小醜備物終必亡康

王御不參一族韋昭云御妻官也參三參一族之也

國語注醜類也

周書紀周書三詩部周紀繫王之時王宮遠長詩人作刺漢初收傳繫王時王宮遠長或秋交侵暴虐中國被其苦詩人怨作疾而歌之曰

蘇室靡家極先之故室不日戒復先孔棘注云小雅未極之詩也古詩人來繫王堅詩作住改道既更惡刺之詩始作然則未極為繫王之詩矣

詩請序繫王始受請言齊哀公夫王失禮之後卿不專

貞正裁謂變凡之作齊衛為先齊哀公當繫王衛頃公當夫王故先言此也惡謂來

蔽正雅當從毛氏石變凡別始於繫王

公不獻一年共王滅密共王崩子懿王躄立索隱曰世本索隱曰世

懿王之時王室遂衰詩人作刺索隱曰宋忠曰懿王自

王崩諸侯復立懿王太子燮是為夷王夷王崩子厲王

胡立厲王即位三十年好利近榮東公大夫芮良夫正義

伯也諫厲王曰王室其將卑乎夫榮公好專利而不知

大難夫利百物之所生也天地之所載也而有專之其

害多矣天地百物皆將取焉何可專也所怒甚多而不

備大難以是教王王其能久乎夫王人者將專利而布

之上下者也使神人百物無不得極韋昭曰極中也猶曰怵惕

懼怨之來也故頌曰思文后稷克配彼天立我蒸民莫

匪爾極大雅曰陳錫載周唐固曰言文王布錫是不布
利而懼難乎故能載周以至於今今王學專利其可乎
匹夫專利猶謂之盜王而行之其歸鮮矣榮公若用周
必敗也厲王不聽卒以榮公為卿士用事王行暴虐侈
傲國人謗王召公諫曰韋昭曰召公之後民不堪命
矣王怒得衛巫韋昭曰衛國之巫使監謗者正義曰監口衛反
有謗毀必察也以告則殺之其謗鮮矣諸侯不朝三十四年王
益嚴國人莫敢言道路以目韋昭曰以目相睹而已厲王喜告召
公曰吾能弭謗矣乃不敢言召公曰是鄭之也防民之
口甚於防水水壅而潰傷人必多民亦如之是故為水
者決之使導為民者宣之使言故天子聽政使公卿至

周紀

於烈士獻詩正義曰上瞽獻典韋昭曰典樂典史獻書正義曰
書師箴正義曰箴音針師樂瞽賦韋昭曰無眸子曰瞽
也韋昭曰禮瞽主絃歌諷誦箴諫之語也百工諫庶人傳
語韋昭曰庶人卑賤見時得失不得近臣盡規近臣驂
親戚補察正義曰言親戚補王瞽史教誨瞽樂太師也瞽
艾脩之韋昭曰耆艾師傳也脩而後王斟酌焉是以事
行而不悖民之有口也猶土之有山川也財用於是乎
出猶其有原隰衍沃也唐固曰下平日衣食於是乎生
口之宣言也善敗於是乎興行善而備敗所以產財用
衣食者也夫民慮之於心而宣之於口成而行之若壅
其口其與能幾何王不聽於是國莫敢出言三年乃相

香

周書卷之四十一 周書二相行政
考曰共和呂成公曰古史案及
家紀年未伯和丁王位政蓋未
和左傳季朝告諸侯曰諸
侯釋位以間王政蓋王有志
而後政官推其而言則所宜
之間諸侯有去其位而代為
政者莊子曰未伯得之於丘
首

周紀

與畔龍厲王厲王出奔於彘常昭曰彘晉地漢為縣屬
括地志云晉州霍邑縣本漢彘縣後改彘曰永安從鄆彝晉也厲王太子靜匿召公之
家國久聞之乃圍之召公曰昔吾驟諫王王不從以及
此難也今殺王太子王其以我為讎而懟怒乎夫事君
者險而不讎對常昭曰險之中怨而不怒况事王乎乃以其
子代王太子太子竟得脫召公周公二相行政號曰共
和索隱曰共音如字若汲冢紀年則云共伯干王位也○正義
曰共音巨用反常昭云云之亂公卿相與和而脩政事
號曰共和魯連子云衛州共城縣本周共伯之國也其
伯名和周厲王無道國人作難王奔于彘諸侯奉和以
行天子事號曰共和元年十四年厲王死於彘共伯使
諸侯奉王子靖為宣王而共伯復歸國于衛也世家云
釐侯十三年周厲王出奔于彘共和行政焉二十八年
周宣王立四十二年釐侯卒太子共伯餘立為君恭伯
弟和襲攻恭伯於墓上恭伯云釐侯美自殺衛人因葬

好行仁義
諸侯莫之

釐侯旁謚曰恭伯而立和為衛侯是為武公按此文其
伯不得立而和立為武公武公之立在恭伯卒後年歲
又不相當年表亦同明 共和十四年厲王死于彘太子
靜長於召公家二相乃共立之為王是為宣王宣王即
位二相輔之脩政法文武成康之遺風諸侯復宗周十
二年魯武公來朝宣王不脩籍於千畝正義曰應劭云
田千畝為天下先贊曰籍籍籍魏文公諫曰賈逵曰文
也按宣王不脩親耕之禮也 弟魏仲之後為王卿士也常昭曰文公魏叔之後西魏
也宣王都鎬在畿內也○正義曰括地志云鎬故城在
岐州陳倉縣東西又云千 不可索隱曰國語曰魏文公
畝原在晉州岳陽縣北 上帝之采盛於是乎出事之繁庶於是
乎生人之共給於是乎取事具載國語王弗聽三十九
年戰于千畝索隱曰地名在王師敗績于姜氏之戎常
曰西夷別種 宣王既亡南國之師乃料民於太原韋昭
曰西夷別種之後也

孔聖曰陽伏於陰下見迫於陰故不能身以至於地震張氏曰陰盛陽微之異也

於姜戎時所亡也南國漢江之仲山甫正義曰毛萇云仲山甫樊穆仲也括地志云漢樊縣城在兖州瑕縣西南古樊國仲山甫所封也諫曰民不可料也宣王不聽卒料民四十六年宣王崩正義曰周春秋云宣王三年宣王會諸侯于圃日中杜伯起於道左衣朱衣冠操朱弓矢射宣王中心折脊而死國語云杜伯射王於子幽王宮濕立徐廣曰一作生幽王二年西州三川皆震徐廣曰涇渭洛也駟案書昭曰西州鎬京地震動故三川亦動○正義曰按涇渭二水在雍州北洛水一名漆沮在雍州東北南流入渭此時以伯陽甫曰周將亡矣常昭曰伯陽甫周大夫也唐固曰伯陽甫周注下史老子也夫天地之氣不失其序若過其序民亂之也常昭曰過失也言陽伏而不能出陰迫而不能蒸陰氣迫之使不能升也陽氣在下於是地震今三川實震是陽失其所而填陰也韋昭曰為陰所填筮也陽失而在

周紀

列作周

陰常昭曰在陰下也原必塞原塞國必亡夫水土演而民用也常昭曰水土氣通為演演猶潤也演則生物民得用之土無所演民乏財用不亡何待昔伊洛竭而夏亡常昭曰禹都陽城伊洛所近也河竭而商亡常昭曰商入都衛河水所經地也今周德若二代之季矣其川原又塞塞必竭夫國必依山山川崩川竭亡國之徵也川竭必山崩常昭曰水泉不竭枯朽而崩也若國亡不過十年數之紀也韋昭曰數起於一終於十則天之所弃不過其紀是歲也三川竭岐山崩三年幽王嬖愛褒姒索隱曰褒國名夏同姓姓姒氏禮婦人稱國及姓其女是龍黎妖子為人所收褒人納之于王故曰褒姒○正義曰括地志云褒國故城在梁州褒城縣東古褒國也褒姒生子伯服幽王欲廢太子太子母申侯女而為后後幽王得褒姒愛之欲廢申后并去太子宜再以褒姒

周紀

為后以伯服為太子周太史伯陽讀史記曰正義曰諸國皆有史以記事故周亡矣昔自夏后氏之衰也正義曰龍自號有二神龍止於夏帝庭而言曰余褒之二君褒之二先君也夏帝卜殺之與去之與止之莫吉卜請其漿而藏之乃吉龍所吐精氣也於是布幣而策告之韋昭曰以簡策之書龍亡而漿在櫝而去之常昭曰夏亡傳此器殷殷亡又傳此器周比三代莫敢發之至厲王之末虞翻曰末年發而觀之漿流于庭不可除厲王使婦人裸而蹂之常昭曰謹呼也唐固曰漿化為玄龜以入王後宮索隱曰亦作蛇音元玄龜蝮蜺也後宮之童妾既亂而遭之韋昭曰毀齒曰亂既笄而孕正義曰笄音維禮記云女子許嫁而笄鄭玄云笄今簪無夫而生子懼而棄之

宣王之時童女謠曰正義曰山桑箕木名服於於是宣王聞之有夫婦賣是器者宣王使執而戮之逃於道而見鄉者後宮童妾所弃妖子出於路者正義曰夫婦賣器強者宣王欲執戮聞其夜啼哀而收之夫婦遂亡竝於褒褒人有罪請入童妾所弃女子者於王正義曰國語云周幽王伐褒褒人以褒姒女焉與鏡石甫比也以贖罪弃女子出於褒是為褒姒當幽王三年王之後宮見而愛之生子伯服竟廢申后及太子以褒姒為后伯服為太子索隱曰在傳所謂携王奸命是也太史伯陽曰禍成矣無可奈何褒姒不好笑幽王欲其笑萬方故不笑幽王為烽燧正義曰晝望火煙夜舉燧以望火光也烽土魯也燧炬火也皆山上安之有寇舉之大鼓有寇至則舉

烽火諸侯即至至而無寇襄姒乃大笑幽王說之為數

舉烽火其後不信諸侯益不至幽王以魏石父為卿用

事國人皆怨石父為人佞巧徐廣曰或一作諂善諛好利王用

之又廢申后去太子也申侯怒與繒正義曰繒自陵反

禹後括地志云繒縣在沂州承縣古侯國西夷犬戎攻幽王幽王舉烽火徵

兵兵莫至遂殺幽王驪山下索隱曰驪在雍州新豐縣

廣音力虜襄姒盡取周賂而去汲冢紀年曰自武王滅

十七年也○正義曰按汲冢書晉咸和五年於是諸侯

乃即申侯而共立故幽王太子宜臼是為平王以奉周

祀平王立東遷于雒邑正義曰即王城也平王以前號

周辟戎寇平王之時周室衰微諸侯彊并弱齊楚秦晉

周紀

始大政由方伯周禮曰九命作伯鄭四十九年魯隱公

即位五十一年平王崩太子洩父正義曰即王城也平王以前號

林是為桓王桓王平王孫也桓王三年鄭莊公朝桓王

不禮索隱曰在魯隱六年五年鄭怨與魯易許田天子之用

事太山田也索隱曰左傳鄭伯以璧假許田卒易初初

邑有周公廟鄭以其近故易取之此云許田天子用事

太山田誤矣○正義曰社頭云成王營王城有遷都之

志故賜周公許田以為魯國朝宿之邑後世因而立周

公別廟焉鄭桓公友周宣王之母弟封鄭有助祭太山

湯沐邑在初鄭以天子不復巡狩故欲以初易許田各

從本國所近之宜也恐魯以周公別廟為疑故云已廢

太山之祀而欲為魯祀周公遂辭以求也括地志云許

田許州許昌縣南有魯城周公廟在城中初田在沂州

費縣東南按

八年魯殺隱公正義曰子允令立桓公十

三年伐鄭索隱曰在魯隱五年鄭射傷桓王桓王去歸索隱曰左

宛鄭大夫

傳繆葛之

役祝融射王二十三年桓王崩子莊王佗立莊王四年

中育是也 周公黑肩欲殺莊王而立王子克賈逵曰莊王弟子儀也辛伯告

王賈逵曰平桓王王殺周公索隱曰桓王屬諸周公辛伯諫曰

並后正嫡兩政偶國亂之本也周公不從故及於難然

周公阿先王旨自取誅夷辛伯正君臣之義卒安王業

二卿優劣王子克正義曰杜預云十五年莊王崩

子釐王胡齊立正義曰釐音信釐王三年齊桓公始霸五年釐

王崩子惠王闔立索隱曰世本名母京惠王二年初莊王嬖姬姚

王即位奪其大臣園以為圃左傳曰大夫邊伯等

五人作亂左傳曰五人者嘉國祝跪謀召燕衛師正義曰南

城衛澶州衛南也伐惠王惠王薨正義曰左傳云蘇忿生十

周紀

周字紀開十二哀王母早死後母曰惠后王叔帶在傳曰母牙俱是惠后所生正義曰史記評之

與鄭故蘇子同王大夫伐惠王溫已居鄭之櫟張慶曰

十二邑之一也杜預云河內溫縣立釐王弟頹為王樂及徧舞

樂今河南陽程縣鄭厲公突號復入惠王惠王十年賜齊桓公為伯二十

五年惠王崩子襄王鄭立襄王母早死後母曰惠后左

也陳媯歸于京師實惠后惠后生叔帶索隱曰惠王子

故左傳稱甘昭公正義曰惠王子襄王弟封之於甘

揚地志云故甘城在洛水河南縣西南左傳云甘昭公

王子叔帶也洛陽記云河南縣西南有菜邑有寵於惠王

襄王畏之三年叔帶與戎翟謀伐襄王襄王欲誅叔帶

叔帶奔齊桓公使管仲平戎于周使隰朋平戎于晉

服虔曰戎伐周晉王以上卿禮管仲辭曰臣賤有

伐戎救周故和也

司也。有天子之二守，國高在杜預曰：國子高子天子所命為齊守臣皆上卿也。

若節春秋來，承王命，何以禮焉？賈逵曰：節時也。王肅曰：聘享之節也。

臣敢辭。服虔曰：陪重也。諸侯之臣曰陪。臣曰陪。臣曰陪。臣曰陪。王曰：舅氏，余嘉乃勳，賈逵曰：勳，功也。

命管仲卒，受下卿之禮，而還。九年，齊桓公卒。十二年，叔

帶復歸于周。左傳曰：王召之。十三年，鄭伐滑。正義曰：滑，滑州也。鄭，鄭國也。滑，滑州也。

王使游孫伯服請滑。正義曰：滑，滑州也。鄭，鄭國也。滑，滑州也。

鄭人囚之。鄭文公怨惠王之人，不與厲公爵。正義曰：鄭，鄭國也。文公，文公也。惠王，惠王也。厲公，厲公也。

王以右之，輦墜與鄭厲公而獨與。魏公王爵。正義曰：王，周王也。右，右也。輦，輦也。墜，墜也。鄭，鄭國也。厲公，厲公也。魏公，魏公也。王爵，王爵也。

與之酒泉。鄭伯之享王，王以右之，輦墜與之。魏公請器。正義曰：酒泉，酒泉也。鄭伯，鄭伯也。享王，享王也。王，周王也。右，右也。輦，輦也。墜，墜也。魏公，魏公也。請器，請器也。

王與之爵。鄭伯由是怨王。社稷云：右輦帶而以鏡為飾。

周紀

地酒泉。周邑也。又怨襄王之與衛滑。服虔曰：滑，小國也。近地，酒泉也。周邑也。又，又也。怨，怨也。襄王，襄王也。與，與也。衛滑，衛滑也。

違叛鄭師伐之，聽命。後故囚伯服。王怒，將以翟伐鄭。富

衷諫。服虔曰：凡我周之東徙，晉鄭焉依。子頹之亂，又

鄭之由定。今以小怨，棄之王不聽。十五年，王降翟師，以

伐鄭。王德翟人，將以其女為后。富衷諫曰：平桓莊惠皆

受鄭勞，王棄親親，翟不可從。王不聽。十六年，王絀翟后，

翟人來誅殺譚伯。唐固曰：譚伯，周大夫。原伯，毛伯也。索隱曰：按國語云：殺譚伯而在傳。

太叔之難獲。周公思父原伯，毛伯。唐固據傳文讀譚為

原。然秦有譚何妨？此時亦仕王朝。預獲被殺，國語既

云殺譚伯，故太史公富衷曰：吾數諫不從，如是不出。王

以我為對乎？乃以其屬死之初，惠后欲立王子帶，故以

黨開翟人，翟人遂入周。襄王出奔鄭。正義曰：公羊傳云：王者無外，此其言

出河不能杜預曰鄭南汜在襄城縣南○鄭居王于汜正義曰汜音凡括地志云故汜

事母也襄城縣子帶立為王取襄王所繼翟后與居溫十七

年襄王告急于晉晉文公納王而誅叔帶襄王乃賜文

公珪鬯弓矢為伯以河內地與晉正義曰冀達云揚樊

二十年晉文公召襄王襄王會之河陽踐土黃達曰河

也踐土鄭地諸侯畢朝書諱曰天主狩于河陽仲尼曰

以臣召君不可二十四年晉文公卒三十一年秦穆公

卒三十二年襄王崩子頃王壬臣立頃王六年崩子匡

王班立匡王六年崩弟瑜立是為定王定王元年楚莊

王伐陸渾之戎地理志陸渾縣屬弘農郡○正義曰杜

誘而從伊川遂從戎號今洛州陸渾縣取其號也後漢

書云陸渾戎自瓜州遷於伊川按准二十二年秋秦晉

周紀

遷陸渾之戎於伊川次洛使人問九鼎王使王孫滿應設以辭賈

戎於伊川賈逵曰楚兵乃去十年楚莊王圍鄭鄭伯降已而復

之十六年楚莊王卒二十一年定王崩子簡王夷立簡

王十三年晉殺其君厲公迎子周於周立為悼公十四

年簡王崩子靈王出心立靈王二十四年齊崔杼弑其

君莊公二十七年靈王崩皇覽曰靈王冢在河南城西

生而有鬚而神故謚靈子景王貴立索隱曰名貴按國

鑄大錢及無射單穆公及伶州鳩景王十八年后太子

各設辭以諫今此不言亦其畧耳景王欲立之會

聖而早卒二十年景王愛子朝賈逵曰景王

崩皇覽曰景王冢在洛陽大倉中秦封呂不子夷之黨

與爭立國人立長子猛為王子朝攻殺猛猛為悼王晉

正今案重太子之名宜以隲氏為

曰說曰賀陽大夫說曰左傳矣子壽無別聖那太子之名案

人攻子朝而立丐是為敬王賈逵曰敬王元母弟敬王元年晉人入敬王子朝自立敬王不得入居澤賈逵曰澤邑周地也四年晉率諸侯入敬王子朝為臣春秋曰子朝冢在南陽西鄂自謂子朝後也諸侯城周十六年子朝之徒復作亂敬王奔于晉十七年晉定公遂入敬王子朝三十九年齊田常殺其君簡公四十一年楚滅陳孔子卒四十二年敬王崩徐廣曰皇甫謐曰敬王四十四年元己卯崩壬戌也子元王仁立徐廣曰世本云元王赤元王八年崩子定王介立徐廣曰世本云元王赤介也元王八年崩子定王介立徐廣曰世本云元王赤年癸未三晉滅智伯二十八年前三子爭立立應為真王索隱曰世本云元王赤皇甫謐云真定王考據二文則是元有兩名一名在一名赤如史記則元王為赤主父定王即真王也依世本則元王是真王子必有一非誤然此定當為真字誤耳豈周家有兩定王代數又非遠乎皇甫謐見此疑而不決遂彌縫史書世本之錯

周紀

譚因謂為真定王未為得也定王十六年三晉滅智伯分有其地二

十八年定王崩徐廣曰皇甫謐曰真定王十年元癸亥崩壬申長子去疾立是

為哀王哀王立三月弟叔襲殺哀王而自立是為思王

思王立五月少弟嵬攻殺思王而自立是為考王此三

王皆定王之子考王十五年崩徐廣曰皇甫謐曰考王元年辛丑崩乙卯子

威烈王牛立考王封其弟于河南正義曰帝王世紀云考王弟揭於河

南續周公之官是為西周桓公按自敬王遷都成周號東周也桓公都王城號西周桓公是為桓公

以續周公之官職桓公卒子威公代立威公卒子惠公

代立乃封其少子於鞏徐廣曰惠公子以秦王號東周惠公

曰考王封其弟于河南為桓公卒子威公立卒子惠公亦長子曰西周公又封少子於鞏威公立卒子惠公

公於是有東西二周也按世本西周桓公名揭居河南東周惠公名班居洛陽是也威烈王二十

三年九鼎震命韓魏趙為諸侯二十四年崩徐廣曰元

丙辰崩巳卯駟案宋忠曰威子安王驕立是歲盜殺楚

聲王安王立二十六年崩元庚辰崩乙巳子烈王喜立

烈王二年周太史儋索隱曰老子列傳曰儋即老子耳

義曰幽王時有伯陽甫唐固曰伯陽甫老子也按幽王

元年至孔子卒三百餘年孔子卒後一百二十九年儋

見秦獻公然老子當孔見秦獻公曰始周與秦國合而

別別五百載復合與周別五百載至昭王時西周君至

自歸受罪獻其邑三十六城合也韋昭曰周封秦為始

別謂秦仲也五百歲謂從秦仲至孝公疆大顯王致伯

與之親合也○索隱曰按周封非子為附庸邑之秦號

曰秦嬴是始合及秦襄公始列為諸侯是別之也自秦

列為諸侯至昭王五十二年西周君臣獻邑三十六城

以入於秦凡五百一十六年是合也云五百舉其大數

合十七歲而霸王者出焉徐廣曰從此後十七年而秦

昭王立駟按韋昭曰武王昭

王皆伯至始皇而王天下○索隱曰朝王謂始皇也自

周以邑入秦至始皇初立政田木姑嫪毒至九年誅毒

正十七年○正義曰周始與秦國台者謂周秦俱黃帝

之後至非子未別封是合也而別者謂非子末年周封

非子為附庸邑之秦後二十九君至秦孝公二年五百

載周顯王致文武胙於秦孝公復與之親是復合也合

十七歲而霸王者出謂從秦孝公三年至十九年周顯

王致胙於秦孝公是霸也孝公子惠王稱王是王者出

周紀

三年

九鼎震

命韓魏趙

為諸侯

二十四年

崩

聲王安王

立二十六年

崩

烈王二年

周太史儋

見秦獻公

曰始周與秦國合而

別別五百載復合

與周別五百載至昭王時

西周君至

自歸受罪獻其邑三十六城合也

別謂秦仲也五百歲謂從秦仲至孝公疆大顯王致伯

與之親合也○索隱曰按周封非子為附庸邑之秦號

曰秦嬴是始合及秦襄公始列為諸侯是別之也自秦

列為諸侯至昭王五十二年西周君臣獻邑三十六城

以入於秦凡五百一十六年是合也云五百舉其大數

合十七歲而霸王者出焉

徐廣曰元

威子安王驕立是歲盜殺楚

元庚辰崩乙巳

子烈王喜立

索隱曰老子列傳曰儋即老子耳

伯陽甫老子也按幽王

元年至孔子卒三百餘年孔子卒後一百二十九年儋

見秦獻公然老子當孔

見秦獻公曰始周與秦國合而

與周別五百載至昭王時

西周君至

自歸受罪獻其邑三十六城合也

別謂秦仲也五百歲謂從秦仲至孝公疆大顯王致伯

與之親合也○索隱曰按周封非子為附庸邑之秦號

曰秦嬴是始合及秦襄公始列為諸侯是別之也自秦

列為諸侯至昭王五十二年西周君臣獻邑三十六城

以入於秦凡五百一十六年是合也云五百舉其大數

合十七歲而霸王者出焉

徐廣曰從此後十七年而秦

昭王立駟按韋昭曰武王昭

王皆伯至始皇而王天下○索隱曰朝王謂始皇也自

周以邑入秦至始皇初立政田木姑嫪毒至九年誅毒

正十七年○正義曰周始與秦國台者謂周秦俱黃帝

之後至非子未別封是合也而別者謂非子末年周封

非子為附庸邑之秦後二十九君至秦孝公二年五百

載周顯王致文武胙於秦孝公復與之親是復合也合

十七歲而霸王者出謂從秦孝公三年至十九年周顯

王致胙於秦孝公是霸也孝公子惠王稱王是王者出

也然五百載者非子生秦侯已下二十八君至孝公二

年都合四百八十六年兼之非子邑秦之後十四年則

成五

十年烈王崩弟肅立

是為顯王顯王五年

賀秦獻公獻公稱伯九年致文武胙於秦孝公

胙於秦孝公

二十五年秦會諸侯於周二十

六年周致伯於秦孝公三十三年賀秦惠王三十五年

致文武胙於秦惠王四十四年秦惠王稱王其後諸侯

皆為王

四十八年顯王崩子慎親王定立

索隱曰謂韓

齊趙也

王使宰孔賜齊侯胙

天子有事于文武

胙

胙

胙

胙

慎親王立六年崩子赧王延立

索隱曰皇甫謐云名諡赧非謚謚法無赧正以

微弱竊缺逃債赧然慙也故

號曰赧耳爾雅面慙曰赧王赧時東西周分治

高誘曰西周王城今河王赧徙都西周武公之共

太子死徐惠曰武公東公之長子○索有五庶子毋適

立司馬翦正義曰趙臣也謂楚王曰不如以地資公子咎為請

太子左成曰正義曰楚臣也不可周不聽是公之知困而交疏

於周也正義曰言以地資公子咎請為太子不如請周君

孰欲立以微告翦翦請令楚賀之以地果立公子咎為

太子八年秦攻宜陽正義曰居地志云故韓城一名楚

救之而楚以周為秦故將伐之索隱曰宜陽韓地秦攻

而楚疑周為秦蘇代為周說楚王曰何以周為秦之禍

周紀

也索隱曰蘇代說楚王何以道周為秦周實不為言周

之為秦甚於楚者欲令周入秦也故謂周秦也索隱曰

近秦欲并周而外睦於周周知其不可解必入於秦此

為秦取周之精者也為王計者周於秦因善之不於秦

亦言善之以疏之於秦正義曰言楚若善周絕於秦必

入於郢矣正義曰郢楚都以上至秦借道兩周之間將

以伐韓周恐借之畏於韓不借畏於秦史厭謂周君曰

正義曰厭烏賊反又於點反○索隱曰周君西何不令

人謂韓徐廣曰一作何姓為韓後公叔曰秦之敢絕周

而伐韓者信東周也公何不與周地發質使之楚秦必

疑楚不信周是韓不伐也又謂秦曰韓彊與周地將以

疑周於秦也周不敢不受秦必無辭而令周不受是受

地於韓而聽於秦索隱曰此史感說韓令與周地使質

韓而猶聽秦召西周君西周君惡往故令人謂韓王索

曰按戰國策云或曰秦召西周君將以爲辭於秦索隱曰高

也王何不出兵於南陽周君將以爲辭於秦索隱曰高

策曰以魏兵在河南爲辭周君不入秦秦必不敢踰河而

攻南陽矣正義曰南陽今懷州也杜預云在晉山南以

也謀秦東周與西周戰韓救西周或爲東周說韓王曰西

周故天子之國多名器重寶王案兵毋出可以德東周

而西周之寶必可以盡矣正義曰韓出兵助西周雖不

必盡歸於韓以上至東周與西王赧譏成君楚圍雍氏

周紀

徐廣曰陽翟雍氏城也戰國策曰韓兵入西周西周令

成君辯說秦求救當是說此事而脫誤也○索隱曰如

徐此說自合當改而註結之不合與楚圍雍氏連註○

正義曰雍於秦反括地志云故雍城在洛州陽翟縣東

北按其時韓徵甲與粟於東周東周君恐召蘇代而告

之代曰君何患於是臣能使韓毋徵甲與粟於周又能

爲君得高都徐廣曰今河南新城縣高都城也○索隱

若地志云高都故城一名周君曰子苟能請以國聽子

代見韓相國曰漢書百官表曰相國秦官相國聽子

仲修楚圍雍氏期二月也今五月不能拔是楚病也今

相國乃徵甲與粟於周是告楚病也韓相國曰善使者

已行矣索隱曰已止也代曰何不與周高都韓相國大怒曰吾

毋徵甲與粟於周亦已多矣何故與周高都也代曰與

史記

二十一

周高都是周折而入於韓也秦聞之必大怒忿周即不
通周使是以弊高都得完周也曷為不與相國曰善果
與周高都正義曰以上至楚圍雍氏是蘇代三十四年
蘇厲謂周君曰秦破韓魏徐黃曰扑一作仆戰
武於北取趙蘭離石者地理志曰西河有趙蘭離石二
所理縣蘭近離石皆趙二邑皆白起也是善用兵又有天命今又將
兵出塞攻梁正義曰謂伊闕塞也梁破則周危矣君何
不令人說白起乎曰楚有養由基者善射者也去柳葉
百步而射之百發而百中之左右觀者數千人皆曰善
射有一夫立其旁曰善可教射矣養由基怒釋弓搯劍
曰客安能教我射乎客曰非吾能教子支左誡右也索

周紀

曰按列女傳曰左手如拒右手如附技右手發之左手
不知此射之道也又越絕書曰左手如附大山右手如
抱嬰夫去柳葉百步而射之百發而百中之不以善息
索隱曰言不以其善而且停息息止也少焉氣衰力倦弓撥矢鉤一發不
中者百發盡息索隱曰息猶并今破韓魏扑師武北取
趙蘭離石者公之功多矣今又將兵出塞過兩周倍韓
攻梁一舉不得前功盡弃公不如稱病而無出正義曰
三十四年是蘇厲為周說白起無伐梁也四十二年秦破華陽約徐廣曰一
義曰司馬彪云華陽亭名在密縣馬犯謂周君曰請令梁城周索隱曰
三十二年秦背魏約使客卿胡傷擊魏將辛卯華陽破
之是馬犯見秦破魏約懼周危故謂周君請梁城周而
設詭也乃謂梁王曰周王病若死則犯必死矣正義曰馬
乃說梁曰秦破魏華陽之軍去周甚近周王犯請以九
憂懼國破猶身之重病若死則犯必死也

鼎自入於王王受九鼎而圖犯索隱曰圖謀也犯謂梁謀救援梁王曰善遂與之卒言成周正義曰成守也周已也而梁信馬犯矯言正義曰成守也周因謂秦王曰梁亦成周也將伐周也正義曰馬王試出兵境以觀之秦果出兵又謂梁王曰正義曰馬秦出兵於境又周王病甚矣犯請後可而復之正義曰馬重歸說梁王也周王病甚矣犯請後可而復之正義曰馬策甚作偷犯請後可而復之者言王病愈所圖不遂請得在後有可之時以鼎入梁也正義曰復音扶富反復重也秦既破華陽軍今又出兵境上是周國病秦久矣犯請卒伐周諸侯皆心疑梁取周後可更重請益卒守周令王使卒之周諸侯皆生心後舉事且不信不若令卒為周城以匿事端索隱曰梁實圖周九鼎且外遣卒伐周和合秦舉兵欲侵周梁不救周是本無善周之事止是欲周危而取九鼎故諸侯皆心不信梁矣故不如匿事端使卒為周城正義曰既諸侯生心不如令卒便為築城以隱匿疑伐周之事端絕諸侯不信之心梁王遂使城周解諸侯之疑

周紀

梁王曰善遂使城周正義曰以上至四十二年四十五年周君之秦客謂周最索隱曰最音司喻反周之公子也曰公不若譽秦王之孝因以應為太后養地徐廣曰地理志云應今後秦昭王母宣太后姓羊氏也秦王必喜是公有秦交善周君必以為公功交惡勸周君入秦者必有罪矣正義曰客謂周最曰周君與秦交善是最之功也與秦交惡勸周君入秦者用最今必得勸周君之罪也以上四十五年是周客說周最令秦攻周而周最謂秦王曰為王計者不攻周攻周實不足以利聲畏天下天下以聲畏秦必東合於齊兵弊於周合天下於齊則秦不王矣天下欲弊秦勸王攻周秦與天下弊則令不行矣正義曰秦欲攻周最說秦曰周天子之國雖有重器名實土地狹少不足制秦國王若攻之乃有攻天子

之聲而令天下有攻天子之聲長秦使諸侯歸於齊秦
兵空弊於周則秦不王矣是天下欲弊秦故勸王攻周
令秦受天下弊而令教命不行於諸侯矣以上秦攻周是周最說秦也
五十八年三晉距秦周令其相國之秦以秦之輕也還其行正義曰以秦之輕也
相國於是客謂相國曰秦之輕重未可知也正義曰言秦之輕相國重相國也
秦欲知三國之情公不知急見秦王曰請為王聽東方之變秦王必重公重公是秦重周周以取秦也齊重則固有周聚以收齊徐廣曰聚作最亦古之齊而和於齊周故得齊重令相國又得秦重是相國收秦周聚收齊周常不失大國之交也是周常不失重國之交也秦信周發兵攻三晉正義曰三晉韓魏趙也以上至五十八年是客說周相國五十九年秦取韓陽城負黍徐廣曰陽城有負黍聚正義曰括地志云陽城洛州縣也負黍亭在陽城縣西南故周邑左傳云鄭伐周負黍
周紀

國字紀周土周報王平于乙巳
明年四年秦迂周公而東周公
猶存也于秦迂東周君而周
遂不祀作史者當自丙午至壬
子繫于周統于七國之上考得
春秋存陳之義大事紀周報
後繫秦朱子以為未當綱
目以七國如楚漢並而之又
三國身魏趙韓皆大夫
其楚為黃秦為呂唯燕為
國百未之澤遠矣東王亦用
樂毅太子丹乃用荆軻其能
國乎

秦是也今西周恐倍秦與諸侯約從不兼曰關東為從
南比為從東西為橫橫曰以利合曰從以威勢相脅曰
橫○正義曰按諸說未允關東地南北長為從六國
共居之關西地東西將天下銳師出伊闕攻秦正義曰
廣廣為橫秦獨居之秦取韓陽城負黍恐懼倍秦之約共諸侯連從領天下
下銳師從洛州南出伊闕攻秦軍令不得通陽城秦
秦無得通陽城秦昭王怒使將軍摎攻西周漢書百官
左右將軍皆周未官也西周君蒞秦正義曰謂武公頓首受
○正義曰摎音亂此反秦受其獻
罪盡獻其邑三十六口三萬索隱曰秦昭王
歸其君於周周君王赧卒宋忠曰謚曰西周武公是
東公之長子此周君即西周武公也蓋周民遂東立秦
此時武公與王赧皆卒故連言之也
取九鼎寶器而遷西周公於黽狐徐廣曰黽音憚黽狐
洛陽南百五十里潁新城之間○索隱曰西周蓋武公
之太子文公也武公卒而立為秦所遷而東周亦不知

其名號戰國策雖有周文君亦不知滅時定當何主蓋周室衰微畧無紀錄故太史公雖考衆書以卒其事然二國代系甚不分明○正義曰括地志云汝州外古梁城即邕邕聚也陽人故城即陽人聚也在汝州梁縣西四十里梁亦古梁城也在汝州梁縣西十五里新後七城今洛光伊闕也按邕邕陽人傍在三城之間

歲秦莊襄王滅東西周徐廣曰周比亡之時凡七縣河

○正義曰括地志云故穀城在洛州河南縣西北苑中河陰縣城本漢平陰縣在洛州洛陽縣東北

云在平江大河南**東西周皆入于秦周既不祀**皇山譜曰周九

既言周祚盡滅無主祭祀○正義曰按王赧卒後天下無主三十五年七雄並爭至秦始皇立

太史公曰學者皆稱周伐紂居洛邑綜其實不然武王營之成王復召公卜居居九鼎焉而周復都豐鎬至太戎敗幽王周乃東徙于洛邑所謂周公葬我畢畢在鎬

東南杜中

徐黃曰杜一作杜

秦滅周漢興九十有餘載天子將

封太山東巡狩至河南求周苗裔封其後嘉三十里地

號曰周子南君比列侯以奉其先祭祀徐廣曰自周乙巳至元鼎四

年戊辰一百四十四年漢之九十四年也漢武元鼎四年封周後也

年其後有子南勁朝于魏後東成王如衛命子南為侯

秦并六國衛最為後疑嘉是衛後故比子南而稱君也

○正義曰括地志云周承休城一名梁雀塢在汝州梁縣東北帝王世紀云漢武帝元鼎四年東巡河洛思周

德乃封邕嘉三千戶地方三十里為周子南君以奉周祀元鼎三年嘉弟昭進爵為承休侯在此城也平帝元

始四年進為鄭公光武建武三年封邕觀為衛公顏師古云子南其封邑之號故總言周子南君按自嘉以下皆姓邕氏著在史傳

黃言子南為氏恐非

索隱述贊曰

后稷居邠

太王作周

丹開雀錄

火降，烏流

三分既有

八百不謀

蒼兕誓衆

白魚入舟

大師抱樂

箕子拘囚

成康之日

政簡刑措

南巡不還

西服莫附

共和之後

王室多故

屨弧興謠

龍漦作蠹

顏帶挂禍

實傾周祚

周本紀第四

史記四

秦本紀第五

史記五

秦之先帝顓頊之苗裔

正義曰黃帝之孫

孫曰女脩女脩

織玄鳥墮卵女脩吞之生子大業

索隱曰女脩顓頊之裔女吞鳥子而生大業

大業取少典之子曰女華女華生大費

索隱曰扶味反

以爲氏則扶味反爲得此即秦趙之祖嬴姓之先一名伯翳尚書謂之伯益系本漢書謂之伯益是也尋檢史記上下諸文伯翳與伯益是一人不疑而陳杞系家即叙伯翳與伯益爲二未知太史公疑而未決邪抑亦謬爾與禹平水土已成帝錫玄圭禹受曰非予能成亦大

索隱曰秦雖嬴政之祖本西戎附庸之君豈以諸侯之邦而與五帝三王同稱本紀斯必不可可降爲世家

費為輔帝舜曰咨爾費贊禹功其賜爾阜游索隱曰游音旒謂賜以皂色旒爾後嗣將大出索隱曰出猶生也言爾後嗣繁昌將大生也子孫也乃妻之姚姓之玉女徐廣曰皇甫謐云賜之玉女也大費拜受佐舜調馴鳥獸鳥獸多馴服是為栢翳舜賜姓嬴氏大費生子二人一曰大廉實鳥俗氏二曰若木實費氏索隱曰以仲術鳥身人言故為鳥俗氏俗一作洛若木以王父字為費氏也其玄孫曰費昌子孫或在中國或在夷狄費昌當夏桀之時去夏歸商為湯御以敗桀於鳴條大廉玄孫曰孟戲中衍索隱曰舊解以孟戲仲術是一人今以孟仲分字當是二人名也鳥身人言帝太戊聞而卜之使御吉遂致使御而妻之自太戊以下中衍之後遂世有功以佐殷國故嬴姓多顯遂為諸侯其玄孫曰中湑徐廣曰一

來有力晏子春秋曰蜚廉善走父子俱以材力事殷紂周武王之伐紂并殺惡來是時蜚廉為紂石北方徐廣曰皇甫謐云作石還無所報為壇霍太山地理志霍太山在河東襄縣而報得石棺正義曰紂既崩無所歸故為壇銘曰帝令處父不與殷亂索隱曰處父賜爾石棺以華氏死遂葬於霍太山皇甫謐云去襄縣十五里有常祠之索天賜石棺以光華其族事蜚廉復有子曰季勝正義曰季勝生孟增孟增幸於周成王是為宅臯狼正義曰西也臯狼生衡父衡父生造父造父以善御幸於周繆王得驥溫驪徐廣曰溫一作盜案郭璞云為馬純頸驪黑色索隱曰鄒誕生本作駝音陶劉氏音

義云盜驪竊也竊淺青色八駿驊駟郭璞曰色如華而
既因色為名竊驪為得之也驊駟赤今名馬驪赤者
棗駟駟耳之駟郭璞曰紀年云北唐之君來見以一
馬赤也駟耳之駟驪馬是生駟耳八駿皆因其毛色以
為名號駟案穆天子傳穆王有八駿之乘此紀不具者
也○索隱曰按穆王傳曰赤驥盜驪白義深黃驊騮騶
騶耳西巡狩樂而忘歸郭璞紀年云穆王十七年西
徐偃王作亂地理志曰臨淮有徐縣云故徐國尸子曰
造父為繆王御長驅歸周以救亂正義曰古史考云徐
去周穆王遠矣且王者行有周衛豈得救亂而獨長驅
日行千里乎並言此事非實按年表穆王元年去楚文
王元年三百一十八年矣繆王以趙城封造父徐廣曰趙城在
造父由此為趙氏自蜚廉生季勝已下五世至造父別居
趙趙衰其後也惡來革者蜚廉子也早死有子曰女防
女防生旁臯旁臯生太几太几生大駱大駱生非子以

秦紀

造父之寵皆蒙趙城姓趙氏非子居大丘徐廣曰今好
馬及畜正義曰好火到善養息之犬丘人言之周孝王
孝王召使主馬于汧渭之間正義曰汧音牽言於二馬
大蕃息孝王欲以為大駱適嗣申侯之女為大駱妻生
子成為適申侯乃言孝王曰昔我先酈山之女為戎胥
軒妻生中湫以親故歸周保西垂西垂以其故和睦今
我復與大駱妻生適子成申駱重婚西戎皆服所以為
王王其圖之於是孝王曰昔栢翳為舜主畜畜多息故
有土賜姓嬴今其後世亦為朕息馬朕其分土為附庸
邑之秦徐廣曰今天水隴使復續嬴氏祀號曰秦嬴亦
不廢申侯之女子為駱適者以和西戎秦嬴生秦侯秦

侯立十年卒生公伯公伯立三年卒生秦仲秦仲立三年周厲王無道諸侯或叛之西戎反王室滅犬丘大駱之族周宣王即位徐廣曰秦仲之十八年也乃以秦仲為大夫誅西戎西戎殺秦仲秦仲立二十三年死於戎毛詩序曰秦仲始大有車馬禮宗侍御之好也有子五人其長者曰莊公周宣王乃召莊公昆第五人與兵七千人使伐西戎破之於是復予秦仲後及其先大駱地犬丘并有之為西垂大夫莊公居其故西犬丘生子三人其長男世父世父曰我殺我大父仲我非殺我王則不敢入邑遂將擊戎讓其弟襄公襄公為太子莊公立四十四年卒太子襄公代立襄公元年以女弟繆嬴為豐王妻襄公二年戎圍犬丘世父世父

秦紀

擊之為戎人所虜歲餘復歸世父七年春周幽王用褒姒廢太子立褒姒子為適數欺諸侯諸侯叛之西戎犬戎與申侯伐周殺幽王酈山下而秦襄公將兵救周戰甚力有功周避犬戎難東徙雒邑襄公以兵送周平王平王封襄公為諸侯賜之岐以西之地曰我無道侵奪我岐豐之地秦能攻逐戎即有其地與誓封爵之襄公於是始國與諸侯通使聘享之禮乃用駟駒徐廣曰赤馬黑髦曰駟黃牛羝羊各三祠上帝西時徐廣曰年表云立西時祠上帝始列為諸侯自以居西時西時縣名故作西時祠上帝時止也言神靈之所依止也亦音市謂為壇以祭天也十二年伐戎而至岐卒生文公文公元年居西垂宮三

年文公以兵七百人東獵四年至汧渭之會曰昔周邑

我先秦嬴於此後卒獲為諸侯乃卜居之占曰吉即營
邑之十年初為郟時徐廣曰郟縣屬馮翊○索隱曰音
故封禪書曰秦文公夢黃蛇自天而下屬用三牢十三
之地止於郟衍史載以為神故自此立時用三牢十三
年初有史以紀事民多化者十六年文公以兵伐戎戎
敗走於是文公遂收周餘民有之地至岐岐以東獻之
周十九年得陳寶索隱曰按漢書郊祀志云文公獲若
石云于陳倉北坂城祠之其神來若
雉雉其聲設設云野雞夜鳴以一牢祠之號曰陳寶又
臣黃云陳倉縣有寶夫人祠歲與葉君神會蘇林云寶
如石似二十年法初有三族之罪張晏曰父母兄弟妻
族也族妻 二十七年伐南山大梓豐大特徐廣曰今武都故
道有怒特祠圖大
牛上生樹本有牛從木
中出後見於豐水之中四十八年文公太子卒賜諡為
殫公徐廣曰文公之四十年也殫公之長子為太子是文公

秦紀

孫也五十年文公卒葬西山徐廣曰皇甫謐云葬於殫
西山在今隴西之西縣殫
公子立是為寧公徐廣曰一作曼寧公二年公徙居平陽徐廣
曰郟
之平 遣兵伐蕩社索隱曰西戎之君號曰蕩社蓋成湯
陽尊言湯邑在杜縣之 三年與亳戰亳王奔戎遂滅蕩社皇
界故曰湯社也四年魯公子翬正義曰音暉
西夷之國也弒其君隱
公十二年伐蕩氏取之寧公生十歲立立十二年卒葬
西山生子三人長男武公為太子武公弟德公同母魯
姬子生出子寧公卒大庶長弗思威壘正義曰三父廢
乃追反太子而立出子為君出子六年三父等復共令人賊殺
出子出子生五歲立立六年卒三父等乃復立故太子
武公武公元年伐彭戲氏正義曰戲音許宜反戎號至
也蓋同州彭衙故城是也

徐廣曰蕩
音湯社
一作杜

于華山下居平陽封宮正義曰宮在岐州平陽城內也三年誅三父等

而夷三族以其殺出子也鄭高渠昧殺其君昭公正義曰昭公

春秋魯桓公十七年十年伐邾戎初縣之地理志京兆有上邽縣應

初曰即邽戎邑十一年初縣杜鄭地理志京兆有鄭縣杜縣滅小虢

莊固曰西十三年齊人管至父連稱等殺其君襄公而

立公孫無知晉滅霍魏耿索隱曰春秋魯閔公元年在

註曰三國齊雍廩殺無知管至父等而立齊桓公齊晉

為疆國十九年晉曲沃始為晉侯索隱曰晉穆侯少子

桓叔至武公稱滅晉齊桓公伯於野二十年武公卒葬

雍平陽初以人從死從死者六十六人有子一人名曰

白白不立封平陽立其弟德公元年初居雍城徐廣

夏紀

曰今縣大鄭宮以犧三百牢祠邨時卜居雍後子孫飲

馬於河梁伯芮伯來朝索隱曰梁嬴姓芮邨在梁國二

年初伏孟康曰六月伏日初也以狗禦蠱徐廣曰年表

社磔狗邑四門也○正義曰蠱者熱毒也德公生三十

三歲而立立二年卒生子三人長子宣公中子成公少

子穆公長子宣公立宣公元年衛燕伐周出惠王立王

子頹三年鄭伯虢叔殺子頹而入惠王四年作密時正義

曰括地志云漢有五時在岐州雍縣南則邨時吳陽上

時下時密時比時秦文公於邨衍作時邨祭白帝曰邨

時秦宣公作密時於渭南祭青帝秦靈公作吳陽與晉戰河陽勝之十二年宣公卒

生子九人莫立立其弟成公成公元年梁伯芮伯來朝

齊桓公伐山戎次于孤竹正義曰括地志云孤竹故城在平州盧龍縣十二里

諸侯竹國也成公立四年卒子七人莫立立其弟繆公曰宣

公已上皆史失其名今按世繆公任好元年自將伐茅

津正義曰劉伯莊云戎號也括地志勝之四年迎婦於

晉晉大子申生姊也其歲齊桓公伐楚至邵陵五年晉

獻公滅虜虜君與其大夫百里傒以璧馬賂於虜

故也既虜百里傒以為秦繆公夫人媵於秦百里傒亡

秦走宛地理志南陽有宛縣○正楚鄙人執之繆公聞

百里傒賢欲重贖之恐楚人不與乃使人謂楚曰吾媵

臣百里傒在焉請以五羖羊皮贖之楚人遂許與之當

是時百里傒年已七十餘繆公釋其囚與語國事謝曰

秦紀

臣亡國之臣何足問繆公曰虜君不用子故亡沛子罪

也固問語三曰繆公大說授之國政號曰五羖大夫百

里傒讓曰臣不及臣友蹇叔蹇叔賢而世莫知臣常游

困於齊而乞食餽人徐廣曰餽一作銓○正義曰蹇叔

收臣臣因而欲事齊君無知蹇叔止臣臣得脫齊難遂

之周周王子頹好牛臣以養牛干之及頹欲用臣蹇叔

止臣臣去得不誅事虜君蹇叔止臣臣知虜君不用臣

臣誠私利祿爵且留再用其言得脫一不用及虜君難

是以知其賢於是穆公使人厚幣迎蹇叔以為上大夫

秋繆公自將伐晉戰於河曲徐廣曰一作西駟案公羊

慶曰河曲晉地杜預晉驪姬作亂太子申生死新城正義

曰河曲在蒲叔南

日常昭云曲沃重耳夷吾出奔正義曰重耳奔新爲太子城桓公會諸侯於葵丘正義曰柘地志云葵丘在曹州考城縣晉獻公卒立驪姬子奚齊其臣里克殺奚齊荀息立卓子徐廣曰克一作倬又殺卓子及荀息夷吾使人請秦求入晉於是繆公許之使百里傒將兵送夷吾夷吾謂曰誠得立請割晉之河西八城正義曰謂同華等州與秦及至已立而使丕鄭謝秦背約不與河西城而殺里克丕鄭聞之恐因與繆公謀曰晉人不欲夷吾實欲重耳今背秦約而殺里克皆呂甥卻芮之計也願君以利急召呂卻芮至則更入重耳便繆公許之使人與丕鄭歸召呂卻芮等疑丕鄭有間乃言夷吾殺丕鄭丕鄭子丕豹奔秦說繆公曰晉君

秦紀

無道百姓不親可伐也繆公曰百姓苟不便何故能誅其大臣能誅其大臣此其調也正義曰謂徒聊反言百姓用是東吾能調選兩通也不聽而陰用豹十二年齊管仲隰朋死晉旱來請粟丕豹說繆公勿與因其飢而伐之繆公問公孫支服虔曰秦大夫公孫子乘支曰飢穰更事取不可不與問百里傒傒曰夷吾得罪於君其百姓何罪於是用百里傒公孫支言卒與之粟以船漕車轉自雍相望至絳晉達曰雍秦國都絳晉國都也十四年秦飢請粟於晉晉君謀之羣臣號射曰正義射音石因其飢伐之可有大功晉君從之十五年興兵將攻秦繆公發兵使丕豹將自往擊之九月壬戌與晉惠公夷吾合戰於韓地正義曰左傳云信公十五年秦

晉戰于韓原韓原在同州韓城縣西南云韓原在韓原韓原在同州韓城縣西南晉君棄其軍與秦爭利還而馬驚正義曰驚音致又勅利反國語云晉師繆公與麇下馳追之不能得晉君反為晉君所圍晉擊繆公繆公脫繆公而反生得晉君初繆公亡善馬岐下野人共得而食之者三百餘人吏逐得欲法之繆公曰君子不以畜產害人吾聞食善馬肉不飲酒傷人乃皆賜酒而赦之三百人者聞秦擊晉皆求從從而見繆公窘亦皆推鋒爭死以報食馬之德於是繆公虜晉君以歸令於國齋宿吾將以晉君祠上帝周天子聞之曰晉我同姓為請晉君東吾姊亦為穆公夫人夫人聞之乃衰絰跣曰

行

秦紀

妾兄弟不能相救以辱君命繆公曰我得晉君以為功今天子為請夫人是憂乃與晉君盟許歸之更舍上舍而饋之七牢賈逵曰諸侯雍饗七牢牛一羊一豕一為一牢也十一月歸晉君

東吾東吾獻其河西地使太子圉為質於秦秦妻子圍

以宗文是時秦地東至河十八年齊桓公卒二十年秦

滅梁芮二十二年晉公子圉聞晉君病曰梁我母家也

正義曰子圉母梁伯之女而秦滅之我兄弟多即君百歲後秦必留

我而晉輕亦更立他子子圉乃亡歸晉二十三年晉惠

公卒子圉立為君秦怨圍亡去乃迎晉公子重耳於楚

而妻以故子圉妻重耳初謝後乃受繆公益禮厚遇之

二十四年春秦使人告晉大臣欲入重耳晉許之於是

使人送重耳二月重耳立為晉君是為文公文公使人
殺子圍子圍是為懷公其秋周襄王弟帶以翟伐王王
出居鄭正義曰王居于汜邑二十五年周王使人告難於晉秦秦
繆公將兵助晉文公入襄王殺王弟帶二十八年晉文
公敗楚於城濮正義曰衛地三十年繆公助晉文公圍鄭正義曰鄭不禮之鄭使人言繆公曰亡鄭厚晉於晉而得矣
而秦未有利晉之彊秦之憂也繆公乃罷兵歸晉亦罷
三十二年冬晉文公卒鄭人有賣鄭於秦曰我主其城
門鄭可襲也繆公問蹇叔百里傒對曰徑數國千里而
襲人希有得利者且人賣鄭庸知我國人不有以我情
告鄭者乎不可繆公曰子不知也吾已決矣遂發兵使

秦紀

言於王

百里傒子孟明視蹇叔子西乞術及白乙丙將兵行日
百里傒蹇叔二人哭之繆公聞怒曰孤發兵而子沮哭
吾軍何也二老曰臣非敢沮君軍軍行臣監本子與往
正義曰與音預臣老遲還恐不相見故哭耳二老退謂其子曰
汝軍即敗必於殺阬矣正義曰括地志三殺山又名嶺在洛州永寧縣西北即古
道也三十三年春秦兵遂東更晉地過周北門周王孫
滿曰秦師無禮正義曰左傳云秦師過周北門左右
之曰秦師輕而無禮必敗杜預云謂不敗何待兵至滑
過天子門不卷甲束兵超乘示勇也姓小國也鄭賈賈人弦高名持十二牛將賣之周
見秦兵恐死虜因獻其牛曰聞大國將誅鄭鄭君謹修
守禦備使臣以牛十二勞軍士秦三將軍相謂曰將襲

鄭鄭今已覺之往無及已滅滑滑晉之邊邑也當是時
晉文公喪尚未葬太子襄公怒曰秦侮我孤因喪破我
滑遂墨衰絰發兵遮秦兵於殺擊之大破秦軍無一人
得脫者虜秦三將以歸文公夫人秦女也服虔曰為秦
三囚將請曰繆公之怨此三人入於骨髓願令此三人
歸令我君得自快烹之晉君許之歸秦三將三將至繆
公素服郊迎嚮三人哭曰孤以不用百里傒蹇叔言以
辱三子三子何罪乎子其悉心雪恥毋怠遂復三人官
秩如故愈益厚之三十四年楚太子商臣弑其父成王
代立繆公於是復使孟明視等將兵伐晉戰于彭衙杜預曰
西此有涇城秦不利引兵歸戎王使由余正義曰戎

秦紀

於秦由余其先晉人也亡入戎能晉言聞繆公賢故使
由余觀秦秦繆公示以宮室積聚由余曰使鬼為之則
勞神矣使人為之亦苦民矣繆公怪之問曰中國以詩
書禮樂法度為政然尚時亂今戎夷無此何以為治不
亦難乎由余笑曰此乃中國所以亂也夫自上聖黃帝
作為禮樂法度身以先之僅以小治及其後世日以驕
淫阻法度之威以責督於下下罷極正義曰則以仁義
怨望於上上下下交爭怨而相篡弑至於滅宗皆以此類
也夫戎夷不然上含淳德以遇其下下懷忠信以事其
上一國之政猶一身之治不知所以治此真聖人之治
也於是繆公退而問內史廖曰漢書百官表曰孤聞鄰

國有聖人敵國之憂也。今由余賢寡人之害，將柰之何？
內史廖曰：戎王勳辟，未聞中國之聲。君試遣其女樂，
以奪其志。徐廣曰：奪一作徇。為由余請以疏其間，留而莫遣，以
失其期。戎王怪之，必疑由余。君臣有間，乃可虜也。且戎
王好樂，必怠於政。繆公曰：善。因與由余曲席而坐，傳器
而食，問其地形，與其兵勢，盡答而後。令內史廖以女樂
二八遺戎王。戎王受而說之，終年不還。於是秦乃歸由
余。由余數諫，不聽。繆公又數使人間要由余，由余遂去。
降秦繆公以客禮。禮之間，伐戎之形。三十六年，繆公復
益厚孟明等，使將兵伐晉，渡河焚船，大敗晉人，取王官
及郟。徐廣曰：左傳作郟。案服虔曰：此以報殺之役。晉地不能存。正義曰：郟音郊。

秦紀

人皆城守，不敢出。於是繆公乃自茅津

徐廣曰：在大陽。渡河，封

殺中尸

賈逵曰：封識之。正義曰：杜預云：封埋藏也。

為發喪，哭之三日，乃誓

於軍曰：嗟！士卒聽無譁，余誓告汝。古之人謀黃髮，番番

正義曰：番音波，髮字當作幡。白頭貌。言髮白而更黃，故云黃髮番番。

則無所過，以申思不

用。蹇叔百里傒之謀，故作此誓，令後世以記余過。君子

聞之，皆為垂涕。曰：嗟乎！秦繆公之與人周也。

服虔曰：周備也。卒

得孟明之慶。二十七年，秦用由余謀伐戎王，益國十二

開地千里，遂霸西戎。天子使召公過賀繆公，以金鼓三

十九年，繆公卒，葬雍。

皇覽曰：秦繆公冢在秦泉宮祈年觀下。正義曰：秦繆公冢在岐州。

雍從死者百七十七人。秦之良臣子與氏三人

正義曰：在從死之。

子車氏之二子，杜預云：子車秦大夫也。

名曰奄、患、仲、行、鍼、虎，亦在從死之

三善臣也

中正義曰行音胡即反鐵音其廉反應邨云秦繆公與群臣飲酒群公曰生共此樂死共此哀於是三人許諾及公薨皆從死杜預秦人哀之為作歌黃鳥之詩君

子曰秦繆公廣地益國東服彊晉西霸戎夷然不為諸

侯盟主亦宜哉死而奔民收其良臣而從死且先王崩

尚猶遺德垂法况奪之善人良臣百姓所哀者乎是以

知秦不能復東征也繆公子四十人其太子瑩代立是

為康公康公元年往歲繆公之卒晉襄公亦卒襄公之

弟名雍秦出也正義曰雍母秦在秦晉趙盾欲立之使

隨會正義曰韓昭云晉正卿士蕩之孫成伯之子季武

來迎雍秦以兵送至令狐杜預曰在河東正義曰令

狐音零括地志云令狐故城在蒲州倚晉立襄公子而反擊秦師秦師敗隨會來奔二

秦紀

年秦伐晉於武城

正義曰括地志云故武城一報令狐

之役四年晉伐秦取少梁

正義曰前入秦後六年秦伐

晉取羈馬

服虔曰戰於河曲大敗晉軍晉人患隨會在

秦為亂乃使魏雝餘詳反

服虔曰魏雝晉之魏邑大夫

同詳合謀會詔而得會會遂歸晉康公立十二年卒子

共公立

索隱曰名假十代共公二年晉趙穿弒其君靈

公三年楚莊王彊北兵至雍問周鼎共公立五年卒子

桓公立桓公三年晉敗我一將十年楚莊王服鄭北敗

晉兵於河上當是之時楚霸為會盟合諸侯二十四年

晉厲公初立與秦桓公夾河而盟歸而秦倍盟與翟合

謀擊晉二十六年晉率諸侯伐秦秦軍敗走追至涇而

還桓公立二十七年卒子景公立

徐廣曰世本云景公名后伯車也。索隱

曰景公已下名又借亂始皇本紀作哀公

景公四年晉欒書弑其君厲公十

五年救鄭敗晉兵於櫟

杜預曰晉地也。正義曰櫟音

也。是時晉悼公為盟主十八年晉悼公疆數會諸侯率

以伐秦敗秦軍秦軍走晉兵追之遂渡涇至械林而還

徐廣曰櫟音械。明穿杜預曰秦地也

二十七年景公如晉與平公盟已而

背之三十六年楚公子圍弑其君而自立是為靈王景

公母弟后子鍼

正義曰音鉗有寵景公母弟富或譖之恐誅

乃奔晉車重千乘晉平公曰后子富如此何以自立對

曰秦公無道畏誅欲待其後世乃歸三十九年楚靈王

疆會諸侯於申

正義曰在鄧州南陽縣為盟主殺齊慶封景公立

秦紀

四十年卒子哀公立

齊隱曰始皇本紀作瑛公

后子復來歸秦哀公

八年楚公子棄疾弑靈王而自立是為平王十一年楚

平王來求秦女為太子建妻至國女好而自娶之十五

年楚平王欲誅建建亡

正義曰太子建之鄭鄭殺之

伍子胥奔吳晉

公室卑而六卿疆欲內相攻是以久秦晉不相攻三十

一年吳王闔閭與伍子胥伐楚楚王亡奔隨吳遂入郢

楚大夫申包胥來告急

正義曰包胥姓公孫封於申故號申包胥在傳云申包胥如秦

乞師曰吳為封豕長蛇以吞食上國聖始於楚寡君失守社稷越在草莽使下臣告急曰夷德無厭若鄰於君

疆場之患也。遑吳之未定君其取分焉。若楚之遂亡君之亡也。若以君靈撫之。世以事君。七日不食

日夜哭泣

正義曰左傳云申包胥對秦伯曰寡君越在草莽未獲所伏下臣何敢即安立依於庭牆

而哭日夜不絕聲勺飲不入口七日秦於是秦乃發五

哀公為賦無夜九頓首而坐秦師乃出

世本云景公

百乘救楚

正義曰左傳魯定公五年秦子蒲子庚帥車五百乘以救楚敗吳師於軍祥

師吳師歸楚昭王乃得復入郢哀公立三十六年卒太

子東公東公蚤死不得立立東公子是為惠公惠公元

年孔子行魯相事五年晉卿中行范氏反晉晉使智氏

趙簡子攻之范中行氏亡奔齊惠公立十年卒子悼公

立悼公二年齊臣田乞弒其君孺子立其兄陽生是為

悼公六年吳敗齊師齊人弒悼公立其子簡公九年晉

定公與吳王夫差爭長於黃池卒先吳徐廣曰外傳吳

彊陵中國十二年齊田常弒簡公立其弟平公常相之

十三年楚滅陳秦悼公立十四年卒子厲共公立孔子

以悼公十二年卒厲共公二年蜀人來賂十六年壅河

秦紀

旁以兵二萬伐大荔取其王城

徐廣曰今之臨晉也臨

音庚括地志云

大荔近王城邑

二十一年初縣頻陽地理志馮翊有頻

地志云頻陽故城在雍州

晉取武成二十四年晉亂殺

智伯分其國與趙韓魏二十五年智開與邑人來奔

徐廣

曰一本二十六年城南鄭

也○正義曰開智伯子

三十二年伐義渠虜其王

曰義渠北地也○正義曰括地志云寧慶

二州春秋及戰國時為義渠戎國之地也

食厲共公卒子躁公立躁公二年南鄭反

正義曰南鄭

縣也春秋及戰國

時其地屬於楚也十三年義渠來伐至渭南十四年躁

公卒立其弟懷公

索隱曰厲共公子也生昭太子懷公

四年庶長鼂

正義曰長丁文反鼂

與大臣圍懷公懷公

自殺懷公太子曰昭子蚤死大臣乃立太子昭子之子

是為靈公靈公懷公孫也靈公六年晉城少梁秦擊之

十三年城籍姑靈公卒子獻公不得立索隱曰獻公名師隲立靈

公季父悼子是為簡公簡公昭之弟而懷公子也索隱曰簡公懷公弟靈公季父也子惠公立始皇本紀云靈公生簡公誤也又紀年云簡公九年卒次敬公立十二年卒乃立惠公○正義曰劉伯莊云簡公是昭子之弟懷公之子厲公之孫今史記為簡公是厲公之子者抄寫之誤

簡公六年令吏初帶劍塹洛城重泉地理志重泉縣屬馮翊○正義曰重泉

直龍反括地志云重泉故城在同州蒲城縣東南十六年卒徐廣曰表云十五年也子惠

公立惠公十二年子出生十三年伐蜀取南鄭惠公

卒出子立出子二年庶長改迎靈公之子獻公于河西

而立之正義曰西者秦州西縣秦之舊地時獻公在西縣故迎立之殺出子及其母

沈之淵旁秦以往者數易君君臣乖亂故晉復疆奪秦

秦秦紀

河西地正義曰奪前所上八城也獻公元年徐廣曰丁酉止從死二年城

櫟陽徐廣曰徙都之今萬年是也四年正月庚寅孝公生十一年周

大史儋見獻公曰周故與秦國合而別別五百歲復合

合七十七歲而霸王出十六年挑冬花十八年兩金櫟

陽二十一年與晉戰於石門斬首六萬天子賀以黼黻

用禮曰白與黑謂之黼黑與青謂之黻二十三年與魏晉戰少梁虜其將

公孫痤正義曰在戈反二十四年獻公卒徐廣曰表云二十三年子孝

公立索隱曰名渠梁年已二十一歲矣孝公元年徐廣曰庚申也河山

以東疆國六與齊威楚宣魏惠燕悼韓哀趙成侯並淮

泗之間正義曰並白浪反謂淮泗二水小國十餘楚魏與秦接界正義曰楚

北及魏西與秦相接北自梁州漢中郡南有巴渝過江南有黔中巫郡也魏西界與秦相接南自華州鄭縣西

北過渭水濱洛水東岸向北有上郡郿州魏築長城自
之地皆築長城以界秦境洛即涇沮水也
鄭濱洛以北有上郡楚自漢中南有巴黔中周室微諸
侯力政爭相併秦僻在雍州不與中國諸侯之會盟夷
翟遇之孝公於是布惠振孤寡招戰士明功賞下令國
中曰昔我穆公自岐雍之間修德行武東平晉亂以河
為界西霸戎翟廣地千里天子致伯諸侯畢賀為後世
開業甚光美會往者厲蹀簡公出子之不寧國家內憂
未遑外事三晉攻奪我先君河西地諸侯卑秦醜莫大
焉獻公即位鎮撫邊境徙治櫟陽且欲東伐復穆公之
故地脩穆公之政令寡人思念先君之意常痛於心賓
客羣臣有能出奇計彊秦者吾且尊官與之分土於是

秦紀

乃出兵東圍陝城西斬戎之獮王

地理志天水有獮王

桓衛鞅聞是令下西入秦因景監

正義曰監甲也求見孝

公二年天子致胙三年衛鞅說孝公變法脩刑內務耕

稼外勸戰死之賞罰孝公善之甘龍杜摯等弗然相與

爭之卒用鞅法百姓苦之居二年百姓便之乃拜鞅為

左庶長其事在商君語中七年與魏惠王會杜平八年

與魏戰元里有功十年衛鞅為大良造將兵圍魏安邑

降之

地理志曰河

十二年作為咸陽築冀闕

正義曰冀闕

猶記事關

秦徙都之并諸小鄉聚

正義曰萬二千五百

類集為大縣縣一令

漢書百官表曰縣令長皆秦官萬

萬戶為長秩五百石

四十一縣為田開阡陌

俗通曰南

城縣界也

北曰阡東西曰陌河東東地渡洛十四年初為賦徐黃以東西為阡南北為陌東地渡洛十四年初為賦日制貢賦之法也十九年天子致伯正義曰伯音霸孝公周曰初為軍賦十九年天子致伯正義曰伯音霸孝公為二十年諸侯畢賀秦使公子少官率師會諸侯逢澤徐廣曰開封東北有逢澤正義曰括地志云逢澤亦名逢池在汴州浚縣朝天子二十一年齊敗魏馬陵正義曰虞喜志林云濮州甄城年齊敗魏馬陵正義曰虞喜志林云濮州甄城年衛鞅擊魏虜魏公子卬封鞅為列侯號商君正義曰二十四年與晉戰鴈門索隱曰紀年云與魏戰岸門此云鴈門恐聲誤也又下云將魏錯正義曰錯七故反孝公卒子惠文君立索隱曰是歲誅衛鞅鞅之初為秦施法法不行太子犯禁鞅曰法之不行自於貴戚君必欲行法先於太子太子不可黥黥其

秦紀

傳師於是法大用秦人治及孝公卒太子立宗室多怨鞅鞅立因以為反車裂以徇秦國惠文君元年楚韓趙蜀人來朝二年天子賀三年王冠四年天子致文武胙齊魏為王索隱曰齊威王魏惠王五年陰晉人舉首為大良造官名姓公六年魏納陰晉更名寧秦徐廣曰今七年公子卬與魏戰虜其將龍賈斬首八萬八年魏納河西地九年渡河取汾陰皮氏地理志云二縣屬河東正義曰括地志云汾陰在蒲州皮氏在絳州龍門縣與魏王會應正義曰應乙陵反括地志云絳州龍門縣與魏王會應正義曰應乙陵反括地志云魯山縣東圍焦降之正義曰焦城在陝州城內東北因後於焦而十年張儀相秦魏納上郡十五縣正義曰魏後封姬姓十一年縣義渠正義曰括地志云

次約同并二州今納上郡郡地矣

正義曰括地志云寧

原郡三州秦北地郡戰國及春秋時為義渠戎國之地古西戎也

為臣更名少梁曰夏陽十二年初臘正義曰十二月臘日也秦惠文王始

效中國為之故云初臘臘禽獸以歲終祭先祖因立此日

王韓亦為王正義曰魏襄王韓宣惠王使張儀伐取陝出其入與魏

十四年更為元年二年張儀與齊楚大臣會於桑三年

韓魏太子來朝張儀相魏五年王游至北河徐廣曰戎地在河上

七年樂池相秦正義曰樂音岳池徒何反裴氏音池韓趙魏燕齊帥匈奴

共攻秦秦使庶長疾與戰脩魚虜其將申差正義曰脩魚韓邑也

敗趙公子渴韓太子奂斬首八萬二千八年張儀復相

秦九年司馬錯伐蜀滅之伐取趙中都西陽地理志太

縣正義曰在汾州平遙縣西即西郡也西陽即中陽也在汾州隰城縣南地理志云西

郡中陽屬西河郡十年韓太子蒼來質伐取韓石章正義曰韓地名伐

敗趙將泥徐廣曰將一作莊伐取義渠二十五城十一年擗里

疾攻魏焦降之敗韓岸門斬首萬其將犀首走公子通

封於蜀徐廣曰是歲王報元年燕君讓其臣子之十二年王與梁

王會臨晉庶長疾攻趙虜趙將莊張儀相楚十三年庶

長章擊楚於丹陽虜其將屈匄斬首八萬又攻楚漢中

取地六百里置漢中郡楚圍雍氏秦使庶長疾助韓而

東攻齊到蒲助魏攻燕正義曰蒲或作清秦將姓名也十四年代楚取

召陵丹墜臣蜀正義曰二戎號也臣伏於蜀蜀相殺蜀侯并州韓二國降秦在蜀西南挑府管

內相壯徐廣曰壯一作狀殺蜀侯來降惠王卒子武王立索隱曰名

蕩韓魏齊楚越徐廣曰越一作趙皆賓從武王元年與魏惠王

會臨晉徐廣曰表云哀王○正義曰誅蜀相壯張儀魏

章皆東出之魏伐義渠丹犂二年初置丞相漢承也相

也者助據里疾甘茂為左右丞相張儀死於魏三年與韓

襄王會臨晉外正義曰謂臨晉城南公揭卒據里疾相

韓武王謂甘茂曰寡人欲容車通三川窺周室死不恨

矣其秋使甘茂庶長封伐宜陽正義曰在河南府福昌

大郡取之三年拔宜陽斬首六萬涉河城武遂徐廣

邑魏太子來朝武王有力好戲力士任鄙烏獲孟說皆

至大官王與孟說舉鼎絕續徐廣曰一作脛○正義八

月武王死族孟說武王取魏女為后無子立異母弟是

為昭襄王索隱曰一名猥昭襄王母趙人姓辛氏號宣太后

秦紀

武王死時昭襄王為質於燕燕人送歸得立昭襄王元

年嚴君疾為相正義曰蓋封蜀郡嚴道甘茂出之魏二

年彗星見正義曰彗似歲庶長壯與大臣諸侯公子為

逆皆誅及惠文后皆不得良死徐廣曰迎悼武王后出

歸魏三年王冠與楚王會黃棘正義曰在與楚上庸地理

志漢中有上庸縣○正義曰地四年取蒲坂正義曰

志今房州竹邑縣及金州是也蒲州河東縣南

應乙陵反復與魏蒲坂六年蜀侯輝反索隱曰華陽

定屬庶長奐伐楚斬首二萬涇陽君質於齊索隱曰日

食晝晦七年拔新城正義曰年表云秦敗楚襄城殺景

蜀

表新字誤作襄年按縣按世家擗里子卒八年使將軍羊戎攻楚取新
 市晉帝詔曰江齊使章子魏使公孫喜韓使暴鸞共攻
 楚方城取唐昧趙破中山其君亡竟死齊魏公子勁韓
 公子長為諸侯索隱曰別封之九年孟嘗君薛文來相
 秦與攻楚取八城殺其將景快十年楚懷王入朝秦秦
 留之薛文以金受免正義曰金受秦丞相樓緩為丞相
 十一年齊韓魏趙宋中山五國共攻秦正義曰中山此
 國至鹽氏而還徐廣曰鹽一作鹽正義曰蒲州安邑縣按
 掌鹽池之官因稱氏秦與韓魏河北及封陵以和彗星見楚懷王
 走之趙趙不受還之秦即死歸葬十二年樓緩免穰侯
 正義曰括地志云穰侯國魏冉為相予楚粟五萬石十三
 州所理縣即古穰侯國

年向壽伐韓取武始地理志魏郡有武始縣正義曰
 左更白起攻新城五大夫禮出亡奔魏任鄙為漢中
 守漢書百官表十四年左更白起攻韓魏於伊闕正義曰
 地志云伊闕在洛州南注水經云昔大禹疏龍門以
 通水兩山相對望之若闕伊水歷其間故謂之伊闕斬
 首二十四萬虜公孫喜拔五城十五年大良造白起攻
 魏取垣復予之攻楚取宛十六年左更錯取軹及鄧地理
 志云河內有軹縣南陽有鄧縣正義曰故軹城在懷
 州濟源縣東南故鄧城在懷州河陽縣西並魏邑也按
 二城相連故云及冉免封公子市宛公子悝鄧索隱曰悝號高
 昭襄王魏冉陶為諸侯十七年城陽君正義曰括地志
 弟也本漢汝陽縣古邾伯邾姓之國周武入朝及東周君來
 王封弟季載於邾其後遷城之陽也易蓋字訛也為王之宜陽十八
 朝秦以垣為蒲坂皮氏索隱曰為當

年錯攻垣河雍決橋取之徐廣曰汲冢紀年魏哀王二

日高平向十九年王為西帝齊為東帝皆復去之呂禮

來自歸齊破宋宋王在魏死温任鄒卒二十年徐廣曰秦地有

父馬王之漢中又之上郡北河二十一年徐廣曰秦有

錯攻魏河內魏獻安邑秦出其人募徙河東賜爵赦

罪人遷之涇陽君封宛二十二年蒙武伐齊河東為九

縣與楚王會宛與趙王會中陽地陽志西河二十三年

尉斯離正義曰尉都尉斯離名也與三晉燕伐齊破之濟西王與魏

王會宜陽與韓王會新城二十四年與楚王會鄆正義

於建反又音偃括地志云故偃城又會穰秦取魏安城

地理志云汝南有安城縣○正義曰至大梁燕趙救之

秦紀

秦軍去魏冉免相二十五年拔趙二城與韓王會新城

與魏王會新明邑二十六年赦罪人遷之穰侯冉復相

二十七年錯攻楚赦罪人遷之南陽白起攻趙取代光

狼城正義曰括地志云光狼又使司馬錯發隴西因蜀

攻楚黔中正義曰黔中拔之二十八年大良造白起攻楚取

鄢鄧赦罪人遷之二十九年大良造白起攻楚取郢為

南郡正義曰括地志云郢楚王走周君來王與楚王會

襄陵地理志河東白起為武安君三十年蜀守若伐取

巫郡正義曰括地志云巫郡在夔州東及江南為黔中

郡三十一年白起伐魏取兩城楚人反我江南二十二

年相穰侯攻魏至大梁破暴鳶斬首四萬鳶走魏入三

縣請和三十三年客卿胡傷攻魏卷地理志河南有卷

權反括地志云故蔡陽長社取之地理志潁川有長社

城在鄭州原武縣擊芒卯華陽破之司馬彪曰

蔡陽今豫州蔡水之陽長華陽華陽亭名

社故城在許州長社縣西在密縣索隱曰芒卯魏將斬首十

正義曰括地志云故華城在鄭州管城縣南五萬魏入南陽以和徐廣曰河內脩武古曰南陽秦始

韓地屬三十四年秦與魏韓上庸地為一郡南陽免臣遷

居之三十五年佐韓魏楚伐燕初置南陽郡三十六年

客卿竈攻齊取剛壽正義曰括地志云故剛城在予穰

侯三十八年中更胡傷攻趙閼與孟康曰閼音焉與音

西不能取四十年悼太子死魏歸葬芷陽徐廣曰今霸

秦紀

括地志云在雍四十一年夏攻魏取邢丘懷

州諸田縣西為太子十月宣太后薨徐廣曰葬芷陽鄠山正義曰鄠

雍州新九月穰侯出之陶四十二年武安君白起攻韓

拔九城斬首五萬四十四年攻韓南郡取之四十五年

五大夫賁正義音奔五攻韓取十城葉陽正義曰葉車

涉慳出之國未至而死四十七年秦攻韓上黨上黨降

趙秦因攻趙趙發兵擊秦相距秦使武安君白起擊大

破趙於長平四十餘萬盡殺之四十八年十月韓獻垣

雍司馬彪曰河南秦軍分為三軍武安君歸王齕將伐

趙武安皮牢拔之司馬梗北定大原盡有韓上黨正月

兵罷復守上黨其十月五大夫陵攻趙邯鄲四十九年

鞏案韓信外傳武王伐紂到于邢丘四十二年安國君

正月益發卒佐陵陵戰不善免王齧代將其十月將軍

張唐攻魏為蔡尉正義曰為于為掄弗守還斬之五十

年十月武安君白起有罪為士伍遷陰密如傳曰嘗有

十二月益發卒軍汾城旁正義曰括地志云陰密張唐攻鄭拔之

安君白起有罪死齧攻邯鄲不拔去還奔汾軍二月餘

攻晉軍斬首六千晉楚流死河二萬人徐廣曰楚一作

此時無楚軍攻汾城即從唐拔寧新中徐廣曰寧一作

正義曰唐今晉州平陽堯都也括地志云寧新中七國

時魏邑秦昭襄拔寧新中更名安陽城即今相州外城

也寧新中更名安陽徐廣曰魏郡初作河橋正義曰此

橋晉縣今浦有安陽縣五十一年將軍摎攻韓取陽城負忝正義

秦紀

河南斬首四萬攻趙取二十餘縣首虜九萬西周君正義

曰武昔秦與諸侯約從將天下銳兵出伊闕攻秦令秦

毋得通陽城於是秦使將軍摎攻西周西周君走來自

歸頓首受罪盡獻其邑三十六城口三萬秦王受獻歸

其君於周五十二年周民東亡其器九鼎入秦正義曰

九牧鑄鼎於荆山下各象九州之物秦昭禹貢金

王取九鼎然一飛入泗水餘八入於秦中周初亡五十

三年天下來賓魏後秦使摎伐魏取吳城徐廣曰韓王

入朝魏委國聽令五十四年王郊見上帝於雍五十六

年秋昭襄王卒子孝文王立索隱曰名柱五十三而立

尊唐八子為唐太后徐廣曰八子者妾媵之號○正

之而合其葬於先王正義曰以其母韓王襄經入弔祠

諸侯皆使其將相來弔祠視喪事孝文王元年赦罪人
修先王功臣褒厚親戚施苑囿孝文王除喪十月巳亥

即位三日辛丑卒子莊襄王立索隱曰名子楚三十二
而布惠於民東周君與諸侯謀秦秦使相國呂不韋誅

之盡入其國秦不絕其祀以陽人地地理志河南梁賜

周君奉其祭祀使蒙騫伐韓韓獻成臯鞏正義曰括地

原三年蒙騫攻魏高都汲徐廣曰一作破破縣亦在河

故城今澤州是汲故在衛州所理汲縣孟康云漢汲縣今鄴城是也故城在懷州河內縣西拔之攻

趙榆次新城狼孟正義曰括地志云榆次并州縣即古

取三十七城四月日食四年王齧攻上陽縣狼孟故城在并州陽曲縣

黨正義曰上黨又反秦故初置太原正義曰上黨以魏將無忌率

五國兵擊秦正義曰信陵君率燕秦郤於河外郤音却

州華二蒙騫敗解而去五月丙午莊襄卒子政立是為秦

始皇帝索隱曰十三而立立二十秦王政立二十六年

初并天下為三十六郡號為始皇帝始皇帝五十一年

而崩子胡亥立是為二世皇帝索隱曰十二而立立紀云

秦自襄公至二世凡六百一十七歲此實本紀而註別舉之以非本文耳三年諸侯並起叛

秦趙高殺二世立子嬰子嬰立月餘諸侯誅之遂滅秦

其語在始皇本紀中

太史公曰秦之先為嬴姓其後分封以國為姓有徐氏
邲氏莒氏終黎氏徐黃世本作鍾離應邵曰有姓終黎者是運奄氏菟
裘氏將梁氏黃氏江氏脩魚氏白冥氏蜚廉氏秦氏然
秦以先造父封趙城為趙氏
索隱述贊曰

栢翳佐舜

皂游是旌

蜚廉事紂

石搏斯營

造父善馭

封之趙城

非子息馬

厥號秦嬴

禮樂射御

西垂有聲

襄公救周

始命列國

金祠白帝

龍祚水德

祥應陳寶

妖除豐特

里奚致霸

衛鞅任刻

秦本紀

秦本紀第五
厥后吞并


卒成凶慝
史記五



秦紀

--	--	--	--	--	--	--	--	--	--	--

史記
卷五
三十一



110X
557
34